

619 / 2
1990

ISSN 0130-1624

ეროვნული
ბიბლიოთეკა



ბრძოლა

თეატრული

№ 2 1990



ჩემო პატარავ,
შეიშრე ცრემლი,
ლამაზ თვალთაგან ჩამომდინარე.
ჩემი მამულის დიდო იმედო,
შენს მიწა-წყალზე მშვიდად იარე.
უკულმა არვის გააფარცხვინო,
რაც წინაპრებმა დახნეს, დაბარეს.
მხოლოდ შენია ეს საქართველო
და სახვადიოდ შენ ჩაგაბარებთ.

მარინე უტიანჭვილი



დროშა

№ 2 თებერვალი, (398), 1990

შურნალი გამოდის 1928 წლიდან

ყოველთვიური საზოგადოებრივ-
კოლტიკური და სალიტერატურ-
სამხატვრო შურნალი

ნო მერ ში ა:

ოთარ ჰინქლაძე. თვითმოქმედაბა
ანუ ერის ღონის-ღონა.

ბრისტან ჰინქილაკაშვილი. ჰართუ-
ლი პირველი დივიზია.

ჯეგალ მხერიშვილი. შირმა: „სა-
ჰართველოს წყლები“.

ნოდარ წულიისკირი. ერთი თავი
რომანიდან „აფთარი“.

ავთანდილ ბიორგოზიანი. სად ვი-
კოვოთ მალაგო?

ს. ჩერნიაკოვა. გავუვოთ ერთმა-
ნეთს.

ნინო ხოფერიკა. ბალაკტიონის ჩანა-
ხატები.

ბრიგოლ რობაქიძე. ხედავ შიროს-
მანს და გჯერა საჰართველო.

საარქივო მასალებიდან.

გივი გამრეკელი. მსოფლიო პირვე-
ლობა სეკუნდენტის თვალთ.

ჯეგალ მხერიშვილი. იგი იტალიის
მთავში იბრძოდა.

პანოკამა.

კოსკოვოდი.

საჰართველოს კა ცკ.ის გამოცემალობა

● „დროშა“, 1990 წ.

მთავარი რედაქტორი

ოთარ ჰინქლაძე

სარედაქციო კოლეგია:
გულნარა ბახტაძე (პ.მ.გ. მდივანი), ოთარ ბრი-
შვილი, ვასილ გვეტაძე, ნათელა ბიორგოზი-
ანი, ოთარ ღემთიარაშვილი, ვახტანგ უსვანჯია,
ჯეგალ მხერიშვილი, დინარა ნოდია (მხატვარ-
რედაქტორი). თენგიზ სახსონაძე.



თქოთოქქედება

ანუ

ერის ღონის-ღონე



თბილისი. 1921 წელი. 25 თებერვალი.
ახლა უკვე საყოველთაოდაა აღიარებული და ყველამ კარგად იცის, რაც მოხდა საქართველოში და როგორადაც 1921 წლის 25 თებერვალს.

იმ სუსხიანი ზამთრის შემდეგ ზუსტად 69 წელი გავიდა. საქართველოს „გასაბჭოების“ თავად ფაქტს სავესებით ობიექტური პოლიტიკური და სამართლებრივი შეფასება მიეცა რესპუბლიკის მეთერთმეტე მოწვევის უზენაესი საბჭოს მეთორმეტე სესიოზე, რომელმაც ისტორიულ სინამდვილესა და ლოკუმენტურ წყაროებზე დაყრდნობით დაადასტურა საქართველოსა და საბჭოთა რუსეთს შორის 1920 წლის 7 მაისს დადებული ხელშეკრულების უპრეცედენტო დარღვევის ექვივალენტური ფაქტი. დადგინდა, რომ საქართველოს დემოკრატიული რესპუბლიკის მთავრობასთან დადებული ხელშეკრულების დარღვევა — საქართველოში ჯარების შემოყვანა და მთელი ტერიტორიის დაკავება სამართლებრივი თვალსაზრისით წარმოადგენდა სამხედრო ჩარევას (ინტერვენციას) და ოკუპაციას არსებული პოლიტიკური წყობილების შეცვლის მიზნით, ხოლო ეს აქცია მისგან გამომდინარე შედეგებით პოლიტიკური თვალსაზრისით უნდა შეფასდეს, როგორც ფაქტობრივი ანექსია.

ამიტომ არ არის 25 თებერვალი და იგი არც შეიძლება იყოს საქართველოში საზეიმო-სადღესასწაულო აღნიშვნის თარიღი.

მაგრამ, რაღაც მაინც უნდა ითქვას. ხოლო ეს „რაღაც“, მართალი სიტყვის თქმაა. ამიტომ ვიტყვი და, რაც იქნება, იქნება. იმას ვიტყვი, რომ ქართველი ერისათვის, რომელმაც თავისი ხანგრძლივი ისტორიული გზის მანძილზე მეორედ დააპირა სისხლით, ოფლითა და დაავით აღდგენილი, აღიარებული და საბჭოთა რუსეთთან ხელშეკრულებით განმტკიცებული სახელმწიფოებრიობა, ეს იყო ნამდვილი „მეორედ მოსვლა“.

„პირველი მოსვლა“ კი მაშინ ვიგეგმეთ, როცა რუსეთის იმპერიამ „ერთმორწმუნე“ საქართველო მიიერთა. მოგვატყუეს: ქართულმა სამეფო ტახტმა ქსელი ისე განუტევა, რომ ხმის ამოღებაც კი ვერ მოასწრო.

იღმა 1801 წლის გვიანი გაზაფხული — წელიწადის ნაადრევი მკვრისცვალების დრო.

მაგრამ, მოტყუებულმა, დამცირებულმა და გაოგნებულმა საქართველომ მაინც მოახერხა ზარის მოკრება და იმასაც მიხვდა, რომ არაფრად არგებდა „ნაძრახი სიცოცხლის“ მაცდური გზით სიარული.

მიხვდა და ძალ-ღონეც მოიკრიბა. გაიბრძოლა კიდეც. მაინც არაფერი გამოვიდა. არაფერი შეცვლილა.

გარეშე მტერი შინაურმა შეცვალა, ხოლო დაპყრობა კი გრძელდებოდა. ძალითაც და ტყბილი სიტყვითაც, ჩინ-მეღლების ჩამორიგებითაც და დედა-ენის წართმევითაც.

კვლავ სისხლის ღვრა და... კვლავ მორჩილება. მაინც გავუძელით ყველას და ყველაფერს. გავუძელით და შევიწინაბეთ კიდეც ჩვენი თავი, შევიწინაბეთ ჩვენი მიწა-წყალი.

უფრო აღრეც, როცა თავს გარეშე დამპყრობლებისაგან ვიცავდით და მერეც, როცა ჩვენში მოჩვენებითა მშვიდობიანობამ დაისადგურა.

ილია:
— ყველა ეს შევძელით და საკითხავად საჭიროა, — რამ შეგვაძლებინა? რამ გვიხსნა? ჯვარცმულნი ქრისტესთვის როგორ გადავრჩით? წამებულნი და სისხლმთხვევლნი მამულისათვის რამლა გვაცოცხლა, რამ გვასულიერა? მან, რომ ვიცოდით — იმ დროს რა უნდოდა, რა იყო მისი ციხე-სიმაგრე, მისი ფარ-ხმალი. ვაჟაკობა უნდოდა, ვაჟაკნი ვიყავით. ხმალი უნდოდა, ხმლის ჰედვა ვიცოდით. ომის საქმეთა ცოდნა უნდოდა, ომის საქმენი ვიცოდით. აი, რამ შეგვაძლებინა, რამ გვიხსნა, რამ შეგვინახა!... იმ დროთა ჩარხზე გაჩარხულნი ვიყავით, იმ დროთა ქარ-ცეცხლში გამოფოლადებულნი, იმ დროთა სამჭედლოურში ნაჭედნი. „სილბო გვქონდა ნაქსოვისა“ — ვით ქრისტიანებს „და სიმტკიცე ნაჭედისა“ — ვით მეომრებსა და მამულიშვილებს.

ამით გავიტანეთ თავი, დროთა შესაფერი ღონე ვიცოდით, დროთა შესაფერი ხერხი, დროთა შესაფერი ცოდნა გვქონდა, დროთა შესაფერი მხნეობა და გამრჯელობა. წავიდა ის დრო.

ის დრო კი წავიდა, მაგრამ ყოველი დროისათვის შესაფერი უკონა, აგრეთვე მხნეობა და გამრჯელობა ხომ მაინც არის საჭირო?

რაღა თქმა უნდა, არის. ხოლო დღეს და ახლა უფრო. განსაკუთრებულადაც უფრო. ცოდნაც, მხნეობაც, გამრჯელობაც. ყოველთვის და ყველგან. შინაც და გარეთაც. იმიტომ რომ, ცვალებადი გარემო და ვითარება, მათთვის დამახასიათებელ ახლებურ ხედვასა და მდგომარეობას საჭიროებს.

ილია:
— როცა ერი ყოველს მოვლინებას და საქმეს მის გარემო მომხდარს, ყოველს ნახულს, გაგონილს და ყოფილს საზოგადო მნიშვნელობას — გონებით დააკვირდება, ღირსსახსოვარს, ავსა და კარგს — სხოვისათვის ანუხსავს, გულში ჩაირჩენს და სასწორზედ სწონის ფასის დასადებლად, — მაშინ პირდაპირ და უტყუარად შეიძლება კაცმა სთქვას, რომ იგი გონებითად ჰასაკში შედის, ქკუა, გული და ცნობიერება დასძვრია მოქმედებისათვის და ფეხი შინიდან გარეთ გამოუდგამს კაცურის ცხოვრებისათვის.

ამ კაცური ცხოვრებისათვის იღვწის დღეს ქართველი ერი და სწორედ ამიტომ, ისე როგორც არასდროს, გვიკირდება ჩვენ გონებითი დაკვირვება, რათა დავძრათ ცნობიერება მოქმედებისათვის.

ვცადოთ, ეს „გონებითი დაკვირვება“ მიმდინარე მოვლენებზე და განვითარებულ პროცესებზე. დაავაკვირდეთ ყოველივეს. დაავაკვირდეთ შინაც და გარეთაც. თან ისე დაავაკვირდეთ, რომ არც ჩვენი დიდი წინაპრების ბრძნული შეგონებანი დაგვაიწყდეს.

ამის გარეშე ზერ დასძრავს ასაკში შესული ერი თავის ცნობიერებას თავისსავე მოქმედებისათვის.

ამიტომ საჭიროა გვახსოვდეს, ილია:
— „ინტენსიური ცხოვრება“ ერთსა და იმავე ღროს სათავეც არის და შედეგიც კულტურისა, რომელიც ათასის წლობით შენელებულა, აგებულა, მართალია, კაცობრიობის დაუღალავ და დაუძინებელ ჯაფით, გარჯითა და მხნეობით, მაგრამ იმისთვის კი არა, რომ ღონისაგან დაიცალოს, არამედ იმისათვის, რომ უფრო ვაღონიერდეს, გაძლიერდეს, გამოფოლადდეს, გამოიქედეს არსებობისათვის საჭიდაოდ. ამიტომაც კულტურა და მასთან განუყოფელი ინტენსიური ცხოვრება კაცობრიობის ღონისა და სიმკვიდრის დედაბოძია, ქვაკუთხედია. იგია თითონ დაუშრობელი სათავე ღონისა, იგი ღონის-ღონეა ერისა, თუ ასე ითქმის, — იგი ფარია და ხმალი არსებობისათვის ჭიდილში.

ახლა ჩვენთვის მთავარი ის არის, რომ პასუხი გავცეთ იმავე კითხვას, რომელიც ადრევე იაკობ გოგებაშვილმა დასვა.

კერძოდ:
— გამოვიჩინეთ ისეთივე შეუპოვარი მხნეობა საარსო ბრძოლაში, როგორსაც იჩენდნენ ჩვენი წინაპრნი დამოუკიდებლობისათვის, თუ დავტოვეთ თვითმოქმედება, მივეჩვიეთ სხვის იმედსა და მივეცენით თვლემასა და ძილსა?... განვძლიერდით. ავყვავდით და შევიმოსეთ ახლის მაღალ თვისებებით. თუ დავუძლიერდით, მივსუსტდით და უწინდელი ვაჟაკური თვისებანიც თითქოს დაგვიჰკნა და მათ ქმაგიერ ჩვენში ჭაობის ბალახით ამოხეთქეს დაბალთა წვრილმანთა თვისებათა და დაამცირეს ჩვენი არსებობა?

აი, რა არის საკითხავი დღესაც. და ისიც, თუ რანი ვართ ახლა. თვლემასა და ძილში კარგა ხანს გაუვლია.

120 წელი საქართველომ ცარიზმის უღელქვეშ გაატარა. კიდეც 69 „კაზარმული სოციალიზმის“ მშენებლობას მოახმარა. რამაც სხვისი მოიმედობის დამღუპველი სენი შეგვყარა და თან თვლემასა და ძილსაც შეგვაჩვია. ამ სენისაგან ისევ სხვისი მოიმედობით განკურნება არ შეიძლება. საკუთარი თავის მკურნა-



ლი თითონ უნდა იყო და თვითმოქმედებაზე დამყარებული ინტენსიური ცხოვრებით იცხოვრო.

ისიც გასათვალისწინებელია, რომ გამოსაფხიზლებლად აღარც თვალების ფშვინების და აღარც გაზმორების დრო დაგვრჩა.

და მიუხედავად ამისა, ყველაფერი მაინც არ არის დაკარგული. ჩვენი დღევანდლობისათვის დამახასიათებელი ეროვნული თვითშეგნების არანახული ზრდა და მასშტაბები იმის მაუწყებელიცაა, რომ ცოდნის, მხნეობისა და გარჯის მეშვეობით, შესაძლებელია სასურველ მიზანს მივაღწიოთ. მაგრამ, ამისათვის მართოდენ სურვილი არ კმარა.

იაკობ ჭოგებაშვილი:
— დიად, კარგი რამ გახლავთ ეროვნულის პრინციპის დამყარება ყოველს სფეროში; მაგრამ მარტო ეს არ არის საკმარისი ქვეყნის დაყენებისათვის წარმატებისა და ბედნიერების გზაზედ. თუ მომეტებულად არა, იმოდენადვე მაინც საჭიროა ზრუნვა სოციალურს ცვლილებაზედ, ხალხის ეკონომიურ მდგომარეობის გაუკეთესობაზედ. მართალია, დოვლათის აღორძინებაზედაც ეროვნულს უფლებათა აღდგენას კეთილი გავლენა აქვს; მაგრამ პირდაპირ არა, მხოლოდ შუამავლობით. მეორე მხრივ ეკონომიურად აყვავება ქვეყნისა ხდება შეურყეველს ბურჟუაზიას ეროვნულის აღორძინებისა.

მე მაინც მგონია, რომ სხვისი მოიმედება, თუნდაც ნაწილობრივ, სწორედ ამ გარემოების შეუფასებლობამ შვა. მაშინაც და ახლაც. კერძოდ იმან, რომ სხვისი მოიმედე ერის ჯანსაღი ორგანიზმი ყოველთვის არ ცხოვრობდა ინტენსიური ცხოვრებით და მთვლემარე მდგომარეობაში მყოფმა, სადღაც რაღაც მნიშვნელოვანი დაკარგა.

ხოლო, ეს იმიტომ მოხდა რომ: — მკითროდენი ნაწილი ჩვენი ინტელიგენციისა, რომელსაც არ ესმოდა ეროვნული პრინციპის დიდი და მაღალი მნიშვნელობა და რომელიც იჩემებდა დემოკრატიების სახელსა და მარტო ნივთიერების ცვლილებას ვითომ თავყანსა სცემდა, ვალდებული იყო, მიეჭკია სერიოზული ყურადღება ეკონომიური კითხვებისათვის, გამოეკვლია იგინი და ცდილიყო შესაბამისი ცვლილება გამოეწვია ხალხის ნივთიერის მდგომარეობისა.

ახლა ჩვენზეა დამოკიდებული, მოვიწინააღმდეგოთ და შევძლებთ თუ არა საკუთარის ცოდნით, მხნეობითა და გარჯით გამოვიწვიოთ ასეთი ცვლილებები ხალხის ნივთიერის მდგომარეობისა.

ჩვენზეო როცა ვამბობთ, მხედველობაში მაქვს ის, რომ მინიშნებული ნაკლი მარტოდენ ჭეშინდელი როდია, არამედ დღევანდელიც და, მე თუ მკითხავთ, კიდევ უფრო დღევანდელი. თანაც ისეთი, რომელიც უთუოდ დაამჩნევს ჩვენს ზვალინდელ დღეს თავის დღევანდლობის მძიმე დაღს.

ის მაინც ხომ ყველამ კარგად ვიცით, რომ დროსაც და ენერჯიასაც თავისი სპეციფიკური და არსებული ვითარების შესატყვისი კონკრეტული გამოვლენები ახასიათებს. ასე იყო მუდამ. საერთოდ ასეა და ასეა ახლაც. ხოლო ეს გამოვლენები ეროვნულ-განმათავისუფლებელი მოძრაობის ასეთსავე კონკრეტულ პრობლემებს, ამოცანებსა და მიზანდასახულობებს მოამწიფებენ, წარმოაჩენენ და გამოკვეთენ. იმ ღროს და მაშინაც ასე იყო, როცა იაკობ ჭოგებაშვილმა „ახალი ტიპის ქართველის“ აღზრდის იდეა წამოაყენა და ჩამოაყალიბა კიდევ. ამას მოითხოვდა იმდროინდელ საქართველოში ჩვენი „დაცემული ვინაობის“ აღდგენის აუცილებლობა და ჩვენივე „ზვალინდელი დღისათვის“ ზრუნვა.

და მიუხედავად ამისა, ახლა, შეცვლილ ვითარებასა და გარემოებაში, „ახალი ტიპის ქართველი“ კვლავ ჩვენი სადღეისო საზრუნავია.

ასეთი საზრუნავი, რომელიც ერის სასიცოცხლო ინტერესებს უკავშირდება.

გავხედავ და ვიტყვი, რომ სხვისი მოიმედების გზით მთვლემარე სიარულში ჩვენ გზადავზა ვკარგავდით ქართული ვაყკაცობის, მახვილგონიერების, სწრაფი რეაგირების, აგრეთვე არასტანდარტულ სიტუაციებში გარკვევისა და კვივი გონებით ნაკარნახევი ფიზიკური შეფასებების თვისებებს. ხოლო, როცა ყოველივე ეს დაგვიკირდა და მოულოდნელად, რამაც უმაღლესი გამოგვიყვანა მთვლემარე მდგომარეობიდან, გამოირკვა რომ, არ ვყოფილვართ მზად საკუთარი ეროვნული ინტერესების ენერჯიული დაცვისათვის ასე და იმგვარად, როგორადაც ეს ამჟამინდელმა დრომ, ვითარებამ და კონკრეტულმა სიტუაციამ მოითხოვა. იქნება მეჩვენება კიდევ, და ნეტამც ასე იყოს, მაგრამ თითქოს დაკვარვით მშობლიური მიწა-წყლის რეალური პატრონის ფუნქცია, ძალაც, უნარიც და ვგონებ დავიბენით კიდევ.

არა, ასე არ შეიძლება. აღარ ივარგებს ასე გავრძელება. ეს არ არის და არც უნდა იყოს ჩვენი სავალი გზა. იმიტომ რომ, სწორედ აქ უნდა გამოვლინდეს ჩვენი ეროვნული თვითმოქმედება ანუ ერის ღონის-ღონე.

არ მინდა დავიჭირო, მაგრამ ამბობენ, რომ ოსებმა ქართულ მიწა-წყალზე, ე. წ. სამხრეთ ოსეთში სტიქიის შედეგად უსახლკაროდ დარჩენილი სვანებისა და აჭარლების ჩამოსახლებაც კი არ დაუშვესო.

მართალია ეს? კი, მაგრამ როგორ თუ არ დაუშვეს? ვინ არ დაუშვა?

ან რატომ ვახდა შესაძლებელი ამის არდაშვება? ქართველობამ ოდესღაც სხვები შემოიკედლა, დაასახლა, უპატრონა და ახლა უსახლკაროდ დარჩენილი შვილების დაბინავება აღარ შეუძლია საკუთარ მიწა-წყალზე?

რატომ? მე მგონი იმიტომ, რომ „მაშინ“ მართლაც ვიცოდით იმ დროს რა უნდოდა, რა იყო მისი ციხე-სიმაგრე, მისი ფარ-ხმალი, — ახლა კი ჯარ ვიცით.

ისე გამოდის, ქართული ხასიათის ძლიერი მხარეები ჯაგვი-სუსტადა და, ხოლო სუსტმა და უარყოფითმა კი გვძლია.

საქმე იქამდე მივიდა, რომ დემოკრატ პედაგოგთა კავშირის წევრები მოითხოვენ, რათა სასკოლო პროგრამიდან ამოღებული იქნეს სამხედრო მომზადება, ხოლო ეროვნული საჯარისო ფორმირებების შექმნას კი ყველანი მხარს ვუჭერთ.

აბა, ეს საქმეა? მე ისიც მაწუხებს, რომ იმძლავრა ერთმანეთის გაუტანლობამ, დაწინაურებამ, დროისა და კონკრეტული ვითარების გაუთვალისწინებლად ზოგჯერ იმის კეთებამ, რაც არღვევს ჩვენს ეროვნულ მთლიანობას და ჭელს უშლის, ეროვნული იდეალების მატერიალიზებას.

დაფიქრდეთ ამაზე. ნუ გადავყვებით ერთმანეთის ლანძღვა-გინებას, ნუ დავწამებთ ყველას „ბითუმად“ ერის მოლაღატეობას, გავარჩიოთ თეთრი შავისაგან და ნურც იმას შევუნდობთ, ვინც პიროვნულად არ იმსახურებს ამას და მართლაც ჩადენილი აქვს დანაშაული ერისა და ქვეყნის წინაშე.

რაღაც არ მახსოვს, რომ დაგვესახელებინოს ის, ვინც ხელი მოითხოვს ქართული მიწების გაყიდვით და ისინი პასუხისგებაში მიგვეცეს; არც ის, რომ ვინმე დასჯილიყო იმ აღვირახსნილი მოქმედებისათვის, რომელიც საქართველოს სსრ სისხლის სამართლის კოდექსის 75-ე მუხლის მიხედვით კვალიფიცირებულია, როგორც პროპაგანდა და აგიტაცია რასობრივი და ეროვნული მტრობის მიზნით.

არც ეს შეგვიძლია სამართლებრივი სახელმწიფოს შენების პროცესში?

არც ამის უნარი გვაქვს? გვაქვს!

გვაქვს და შეგვიძლია კიდევ ვაკეთოთ ჩვენი ეროვნული საქმე დინჯად, მოფიქრებულად, ყოველგვარი ფუსფუსისა და თეატრალიზებული სანახაობების გარეშე. ისე რომ, არც მოსწავლესა და სტუდენტს შეეუშალოთ ხელი სწავლაში და არც მუშას ან გლეხს დოვლათის შექმნაში. იმიტომ, რომ უსწავლელი და გაუნათლებელი საქართველო ვერ იქნება დამოუკიდებელი ისევე, როგორც ვერც მშვიერი ან ისეთი, რომლის დამზადებულ პროდუქციას არ ექნება გასაღების ბაზარი.

ნურავის იმედი ნუ გვაქვს.

ეს ერთხელ კიდევ დაგვიდასტურა სსრ კავშირის სახალხო დებუტატთა მეორე ყრილობაზე 1989 წლის 9 აპრილს თბილისში მომხდარი ტრაგიკული ამბების განხილვის დროს შექმნილმა იმ ზომის სამარცხვინო ვითარებამ, რომ ამ სხდომის ტრადიციული სატელევიზიო გადაცემაც კი შეუძლებელი გახდა.

და მიუხედავად ამისა, ყრილობა მაინც იძულებული გახდა, ცნობად მიეღო საპარლამენტო კომისიის დასკვნა, ელიარბინა და დაეგმო გამოყენებული ძალადობის ფაქტი, რასაც შემდგომი მსვლელობა მიეცა.

და მაინც. სხვისი მოიმედობა არაფერს გვარგებს და ამიტომ ნურავის იმედი ნუ გვაქვს.

საკუთარი თავის, საკუთარი გარჯისა და მონდომების მართოდენ.

ჩვენ შინაურ საქმეს ჩვენვე უნდა მოვუაროთ. თვითმოქმედებაა ერის ღონის-ღონე.

19.3/6

საქ. სსრ კ. მარქსის სახ. სახ. რედაქც.



გიორგი მამუნიაშვილი



შალვა ელიავა



გიორგი ქუსთაშელაძე



თედორე ბუჩაიძე



ნიკოლოზ ბლუაშვილი



შალვა დადიანი

განოებს, რომლებმაც თავის ირგვლივ შემოიკრიბეს ქართველი ინტელიგენციის საუკეთესო ნაწილი. ქართულ დივიზიებში ფუნქციონირებდა სამხედრო-სამეცნიერო საზოგადოება, გამოდიოდა ალმანახი და გაზეთი „წითელარმიელი“. ქართველმა კომპოზიტორებმა შექმნეს ქართული მარშები და სამწყობრო სიმღერები, რაც დადებით ზეგავლენას ახდენდა ჯარისკაცთა ფსიქოლოგიურ და მორალურ განწყობაზე. ჯეროვან დონეზე იდგა მეთაურთა კადრების კვალიფიკაციის ამაღლების საქმე. 30-იან წლებში საბჭოთა კავშირის უმაღლეს სამხედრო სასწავლებლებსა და აკადემიებში, მათ შორის გენერალური შტაბის აკადემიაში, არაერთი ქართველი მეთაური სწავლობდა.

დრო კი მიდიოდა და თავისას აკეთებდა. სა.კ. კბ (ბ) ცენტრალური კომიტეტის და სსრ კავშირის სახკომსაბჭოს 1938 წლის 7 მარტის ერთობლივი დადგენილებით წითელი არმიის ეროვნული შენაერთები, ნაწილები და სამხედრო სასწავლებლები გა-

დაკეთდნენ წითელი არმიის საერთო საჯარისო შენაერთებად, ნაწილებად და სამხედრო სასწავლებლებად. პირველი ქართული მსროლელი დივიზია გადაკეთდა 47-ე წითელდროშოვან მსროლელ დივიზიად, მეორე — 63-ე წითელი ვარსკვლავის ორდენოსან სამთო-მსროლელ დივიზიად, ხოლო ქართული ცხენოსანთა ათასეული — 24-ე საკავალერიო პოლკად. ამ შენაერთებისა და ნაწილების ქართველი მეთაურები, აგრეთვე პოლიტმუშაკების დიდი ჯგუფი შემდგომი სამხედრო სამსახურის გასაგვლელად გაიგზავნენ კიევისა და ხარკოვის სამხედრო ოლქების ნაწილებში.

1941 წელი. 22 ივნისი.
დიდი სამამულო ომის მძიმე წლები.
დღის წესრიგში კვლავ დაისვა ეროვნული სამხედრო შენაერთების აღდგენის საკითხი.

1941 წლის 13 ნოემბერს სსრ კავშირის თავდაცვის სახელმწიფო კომიტეტმა მიიღო დადგენილება „საბჭოთა შეიარაღებულ ძალებში ეროვნული შენაერთების შექმნის

შესახებ“. უფრო მოგვიანებით, ეს დადგენილება საკანონმდებლო წესდგენის სახით სსრ კავშირის უმაღლესი საბჭოს პირველი მოწვევის მეათე სესიამ 1944 წლის 1 თებერვალს მიიღო კანონი „მოკავშირე რესპუბლიკების საჯარისო ფორმირებათა შექმნისა და ამასთან დაკავშირებით საერთო-საკავშირო თავდაცვის სახალხო კომისარიატის საკავშირო-რესპუბლიკურ სახალხო კომისარიატად გარდაქმნის შესახებ“. ამ კანონის შესაბამისად, სსრ კავშირისა და მოკავშირე რესპუბლიკების კონსტიტუციებში (ძირითადი კანონი) შევიდა შესაბამისი შესწორებანი საგანგებო მუხლების სახით.

ქართული ეროვნული შენაერთებისა და ნაწილების საბრძოლო მოქმედებამ 1941-1945 წლების დიდი სამამულო ომის ფრონტებზე სავსებით გაამართლა დანიშნულება. ისინი ომის დასაწყისშივე გაიგზავნენ მომქმედ არმიებში და აქტიურად მონაწილეობდნენ ბრძოლებში. უკვე 1942 წლიდან დაიწყო მოქმედი არმიების შესავსებად ქართული ნაწილებისა და შენაერთების ჩამოყალიბება. ქერჩ-ფეოდოსიის 1941-1942 წლების ოპერაციებში ვ. ძაბახიძის მეთაურობით მონაწილეობდა 224-ე მსროლელი დივიზია. კავკასიის დაცვაში, ყირიმისა და ჩეხოსლოვაკიის განთავისუფლებაში მონაწილეობდა 242-ე სამთომსროლელი დივიზია გ. ყურაშვილის მეთაურობით, რომელსაც შემდგომში ეწოდა ტამანის წითელდროშოვანი და კუტუზოვის მეორე ხარისხის ორდენოსანი დივიზია. 394-ე მსროლელი, შემდგომში — კრივოი რდგის წითელდროშოვანი დივიზია, რომელსაც სხვადასხვა დროს ვ. ძაბახიძე, ე. ჯანთარია და სხვები მეთაურობდნენ. მონაწილეობდა კავკასიისთან ბრძოლებში, უკრაინის, ბულგარეთისა და რუმინეთის განთავისუფლებაში ამიერკავკასიის ფრონტის ჩრდილოეთის ჯგუფის შემადგენლობაში შედიოდა 392-ე მსროლელი დივიზია, რომელსაც სხვადასხვა დროს ი. სილაგაძე და გ. ყუფარაძე მეთაურობდნენ. სსრ კავშირის სახელმწიფო საზღვარს იცავდა 406-ე მსროლელი დივიზია, რომელსაც სხვადასხვა დროს გ. ყუფარაძე, ვ. ძაბახიძე და ვ. ჩხობაძე მეთაურობდნენ. 414-ე მსროლელ, შემდგომში ანაპის წითელდროშოვან დივიზიას სხვადასხვა დროს სათავეში ედგნენ ი. ბაბალაშვილი, გ. ყურაშვილი და ვ. ძაბახიძე. 1943 წელს შეიქმნა კიდევ ერთი 296-ე ქართული მსროლელი დივიზია, რომელსაც ვ. ზუბულური მეთაურობდა.

ახალი ეტაპი საბჭოთა შეიარაღებულ ძალების ისტორიაში 50-იანი წლების შუა ხანებში დაიწყო. სწორედ მაშინ დასრულდა ეროვნული სამხედრო ფორმირებების, მათ შორის ქართული ნაწილებისა და შენაერთების არსებობის ხანა.

ეს იყო ნიკიტა ხრუშჩოვის სახელთან დაკავშირებული სუბიექტივიზმისა და ვოლუნტარიზმის ბატონობის წლები, როცა ერთპიროვნულად მიღებულმა კანონსაწინააღმდეგო გადაწყვეტილებამ დაასამარა საბჭოთა არმიის ინტერნაციონალური ბუნება და ხასიათი.

ბრისტან ჩინჩილაკაშვილი



ფირმა: „საქართველოს წყლები“

გარდაქმნის პროცესში, როცა უკვე ბუნებრივ მოვლენად იქცა საქართველოს ეკონომიკურსა და პოლიტიკურ დამოუკიდებლობაზე სჯა-ბაასი, მიტინგებსა თუ კერძო საუბრებში ხშირად გაისმის გულმხურვალე პატრიოტ-დილეტანტის მიერ თავმომწონედ წამოძახილი ფრაზა: საქართველოს მარტო „ბორჯომის“ შემოსავალი შეინახავდა!

მართლა ასეა? ამ პრობლემასთან დაკავშირებით ბოლო ხანს რედაქციაში უფრო გახშირდა წერილები და ტელეფონის ზარი. მკითხველებს სურთ, რომ საქართველოს მინერალური წყლების შესახებ იცოდნენ არა მითები და ლეგენდები, არამედ სინამდვილე.

რედაქციამ გაითვალისწინა მკითხველთა სურვილი და საქართველოს მინერალურ წყლებთან დაკავშირებულ პრობლემებზე ინტერვიუ ჩამოერთვა საქართველოს სსრ სახელმწიფო აგროსამრეწველო კომიტეტის უალკოჰოლო სასმელების, მინერალური წყლებისა და ლუდის მრეწველობის რესპუბლიკური სახელმწიფო ფირმის „საქართველოს წყლები“ თავმჯდომარეს გურამ ახრახვიანს.

კითხვა: ბატონო გურამ, რომელი სახეობის მინერალური წყლები ჩამოისხმება საქართველოში და რა რაოდენობით?

პასუხი: საქართველოს ტერიტორიაზე აღრიცხულია 725 დასახელების მინერალური წყალი. ამ საბადოებთან მოქმედი წყაროების რიცხვი კი 2300 აღემატება. რომელთა სადღეღამისო დებატი 100-3000 და მეტი კუბმეტრია. მინერალური და სუფრის წყლები ბოთლებში ჩამოისხმება რესპუბლიკის 15 ქარხანაში.

ჩვენი სისტემის საწარმოები ყოველწლიურად გვაწვდიან რესპუბლიკაში ჩამოსხმული მინერალური წყლების 93,6 პროცენტს. სახეობათა მიხედვით სურათი ასეთია: „ბორჯომი“ — 301,0 მილიონი ბოთლი, „საირმე“ — 9,0, „ზეარე“ — 10,4, ნაბეღლაივი — 10,8, „სქური“ — 8,4 „მიტარბი“ — 40,0, „ლუგელა“ — 0,3 მილიონი ბოთლი.

გარდა ამისა, ჩვენსავე სისტემაზე მოდის რესპუბლიკაში გამოშვებული უალკოჰოლო სასმელების 75,5 პროცენტი ანუ 10,0 მილიონი დეკალიტრი. ამას დაუმატებ 8,0 მილიონი დეკალიტრი ლუდი.

მოკავშირე რესპუბლიკების მონათესავე საწარმოებს ყოველწლიურად 3000-3500

ტონა ნახევარფაბრიკატებს ვაწვდით უალკოჰოლო სასმელების წარმოებისათვის.

კითხვა: საზღვარგარეთ სად და რომელი სახეობის მინერალური წყლები გავაქვს?

პასუხი: ჩვენი ნაწარმი, ძირითადად „ბორჯომი“, უცხოეთის რვა ქვეყანაში გადის. ესენია: აშშ, გფრ, გდრ, პოლონეთი, უნგრეთი, ბულგარეთი, ჩეხოსლოვაკია, ვიეტნამი.

კითხვა: როგორ ნაწილდება ექსპორტიდან მიღებული ვალუტა?

პასუხი: ადრე მეტად უმნიშვნელო ნაწილი რჩებოდა რესპუბლიკას. ახლა მდგომარეობა შეიცვალა. უცხოური ვალუტის 70 პროცენტი ერგება მრეწველობას, 30 პროცენტი კი რესპუბლიკის ბიუჯეტში გადაირიცხება. დროთა განმავლობაში, როცა მიღებული ვალუტით დარგის მრეწველობა სულს მოითქვამს და დაასრულებს ტექნიკურ გადაიარაღებას, მაშინ მისი ვალუტის მნიშვნელოვანი ნაწილი საქართველოს კეთილდღეობას მოხმარდება.

კითხვა: საინტერესოა, მსოფლიოში ვინ არიან მინერალური წყლების ჩამოსხმისა და ექსპორტის ტრადიციული ქვეყნები და საქართველო ითვლება თუ არა ასეთ ქვეყნად?

პასუხი: ასეთი ქვეყანა რამდენიმეა, მაგრამ განსაკუთრებით გამოირჩევა საფრანგეთი, იტალია, გერმანიის ფედერაციული რესპუბლიკა და ბულგარეთი. მთელს მსოფლიოშია განთქმული ფრანგული მინერალური წყლები „ვიში“ და „პერიე“. ასევე კარგადაა ცნობილი ბულგარული „სერდიკა“. ჩვენ? ჩვენ კი უცხოეთში მინწყლების ისეთი უმნიშვნელო რაოდენობა გავაქვს, რომ საქართველო ჯერჯერობით ვერ ჩაითვლება ამ სფეროში ექსპორტის ტრადიციულ ქვეყნად. თუმცა უხვი და მრავალფეროვანი რესურსები დიდ პერსპექტივებს გვთავაზობენ.

კითხვა: საერთოდ, როგორი ტენდენციები შეინიშნება მინერალური წყლების მოთხოვნილება-მომხარების მხრივ?

პასუხი: დღითი დღე იზრდება! ბევრ დიდ ქალაქში, რეგიონსა თუ ქვეყანაში სასმელი წყალი ნომერ პირველ თავსატეხადაა ქცეული. ისეთ მაღალგანვითარებულსა და ოკეანე-ზღვებით შემოსაზღვრულ ქვეყანას, როგორც იაპონიაა, ალასკადან მიაქვს ყინულის ბრიკეტები და მერე შინ სასმელ წყლად აქცევენ. აღარას ვამბობ ცხელი სარტყლის ზოგიერთ ქვე-

ყანაზე, რომელიც პირდაპირ იმპორტული წყლით ცოცხლობს. ასე რომ, დღესდღეობა გაუკუღმართებულ კლიმატურსა და ეკოლოგიურ პირობებში მალაზხარისხოვანი მინერალური და ჩვეულებრივი მტკნარი (წყაროს) წყლებიც კი ინტენსიური ბიზნესის საგნად იქცა. მაგალითად, დასავლეთში ერთ სულ მოსახლეზე წელიწადში საშუალოდ 200 ლიტრამდე მინერალური და სუფრის წყალი მოდის. ჩვენში? სათქმელადაც კი არ ღირს: თბილისში ის მაჩვენებელი 40-ია, რესპუბლიკაში — 28, ხოლო ზოგიერთ რეგიონში კი 4-5 ლიტრს ვერ ასცილებია.

კითხვა: ეს რით აიხსნება?
პასუხი: მიზეზი ბევრია! მიუხედავად იმისა, რომ საქართველო უხვადაა დაჯილდოებული როგორც სხვადასხვა ბუნებრივი სიმდიდრით, ასევე ასობით ძვირფასი მინერალური წყლის რესურსით, დღესდღეობით ჩამომსხმელი ქარხნებისაგან ექსპლუატირებულია მხოლოდ და მხოლოდ 24 წყარო და ჰაბურდილი. იქიდანაც მარტო „ბორჯომისა“ და „საირმეს“ რესურსებია ათვისებული მთლიანად. გარდა ამისა, ჩამომსხმელი ქარხნების აღქურვილობა და ხაზები საკმაოდ მოძველებულია. ამას ემატება ბოთლების სიმცირე, შრომისა და მომსახურების მოუქნელი ორგანიზაცია და ბევრი სხვა.

კითხვა: ყოველთვის ზემოთქმულის შემდეგ აქვს თუ არა აზრი ახალ-ახალი ბუდობების ძიება-აღმოჩენას და მათ ჩამოსხმაზე ფიქრს?

პასუხი: რა თქმა უნდა! ძიება გრძელდება და მომავალშიც გაგრძელდება! მაგალითად, ამჟამად მიმდინარეობს მარაგების დადგენა ბორჯომის მიდამოებში, ციხისჯვართან და სენაკის რაიონში — სახარბედიოში, სადაც წინასწარი მონაცემებით სამკურნალო და სუფრის წყლების სადღეღამისო მარაგი 1000 კუბმეტრს აღემატება. განსაკუთრებული აღნიშვნის ღირსია ფასანაურ-ყაზბეგის სანახებში (მაკარტა, კობი, ფანშეტი, ყაზბეგი) აღმოჩენილი მინერალური წყლების უდიდესი მარაგები, რომლებიც თავიანთი თვისებებით საუკეთესოა და მიზანშეწონილია მათი ექსპორტირება.

კითხვა: როგორია უცხოეთის ფირმებთან თანამშრომლობისა და ქართული მინერალური წყლების საზღვარგარეთ მასშტაბური ექსპორტის პერსპექტივაები?

პასუხი: განსაკუთრებული ბიოლოგიური მნიშვნელობის მინერალური, სამკურნალო და სუფრის წყლების მარაგითა და ნატურალურ ნედლეულზე დამზადებული მაღალხარისხიანი უალკოჰოლო სასმელების წარმოებით საქართველოს ერთ-ერთი წამყვანი ადგილი უკავია. სწორედ ამით აიხსნება კაპიტალისტური ქვეყნების მრავალი ფირმის დაუოკებელი სურვილი — ვითანამშრომლოთ, შევქმნათ ერთობლივი საწარმოები! ამ ფირმებიდან პირველ რიგში უნდა დავასახელო „კლივენდ ექსპორტი“ და „ინტერნეიშნელ-კაპიტალ ინკორპორეიტედი“ (აშშ), „ტანიერ კოპსალტინევი“ და „რეიში ი პარტნიორ ინტერნეიშნელ კონსოლტ“ (გფრ), „ვინიციკ გმბხ“ „ლაი-ტეკი“ (ავსტრია), „მიციუი ი კო, ლტდ“ (იაპონია) და სხვები. ერთი სიტყვით, მიმდინარეობს მოლაპარაკებები, ხელმოწერილია ურთიერთშეთანხმების ოქმები, მაგრამ პრაქტიკულად საქმე მაინც ნელა მიიწევს წინ...

კითხვა: რატომ?
პასუხი: მიზეზი ბევრია — მე მხოლოდ

რამდენიმე მათგანს დავასახელებ. საქართველოს მინერალური წყლები თავისთავად საუკეთესო თვისებისაა, მაგრამ მზა პროდუქციას არ უვარგოდა მდგრადობა. დაე, თვით მკითხველმა განსაჯოს: ჩამოსხმული წყლის ვარგისიანობის ხანგრძლივობა კონსერვაციის გარეშე შეადგენდა 7, ხოლო კონსერვაციით 30 დღე-ღამეს. უცხოეთის არც ერთი ფირმა ამ და მსგავსი სახის პროდუქციას არ იყიდის, თუ მისი მდგრადობა ექვს თვეზე ნაკლები იქნება. საჭიროა კომენტარი? ბოლო დროს ჩვენმა ფირმამ შეიმუშავა ისეთი ტექნოლოგიური მეთოდები, რომლებიც ყოველგვარი კონსერვაციის გარეშე შვიდ თვემდე ზრდიან პროდუქციის მდგრადობას.

ასევე გადაწყვეტი მიიღვენა ენიჭება დიზაინს. დღეს ყოველად წარმოუდგენელია საექსპორტო პროდუქცია შესაბამისი ეტიკეტის გარეშე. სამწუხაროდ, მხოლოდ ჩვენთან ჩამოყალიბდა ასეთი ტრადიცია: საწარმო უშვებს ერთი და იგივე პროდუქციის ორ სახეობას — საექსპორტო და შიდა ბაზრისთვის. როგორ, განა ჩვენს მომხმარებელს კი აწყენდა მაღალხარისხის და გემოვნებით გაფორმებული პროდუქცია?! სხვათაშორის, ასეთ საძრახის პრაქტიკას ვერც ერთ კაპიტალისტურ ქვეყანაში ვერ შეხვდებით: საშინაო და საგარეო ბაზარზეც ერთი და იგივე ნაწარმი ტრიალებს... ერთი სიტყვით, ეტიკეტის პრობლემა მოვარგავრეთ, და ალბათ, ახლო მომავალში შესაძლებლობა გვექნება მოვსპოთ ასეთი განსხვავება.

საქართველოს მინერალური წყლების ექსპორტი აღმავლობის გზას რომ დაადგეს, საჭიროა აშენდეს ერთი ექსპერიმენტული ქარხანა, სადაც შემუშავდება ახალი ტექნოლოგიები. რაოდენ პარადოქსულიც უნდა იყოს, რესურსებით მდიდარ რესპუბლიკაში დღემდე არა გვაქვს მინერალური წყლების ლაბორატორია! ამიტომ იძულებულნი ვართ, რომ უცხოეთის დაინტერესებულნი ფირმების წარმომადგენლებს წარვუდგინოთ არა ამა თუ იმ მინერალური წყლის მზა ანალიზი, არამედ საქართველოს მთა-ბარში ვახეტილოთ და უშუალოდ თვით ბუდობები ვაჩვენოთ. ცხადია, ასეთი მამაპაპური გზითა და წესით შორს ვერ წავალთ. ამიტომ ამ საექსპერიმენტო ქარხანას, რომელიც ახლა ვახსენეთ, უნდა ჰქონდეს ჩვენი ყველა მინერალური წყლის ზუსტი ანალიზი. ეს კი შესაძლებლობას მოგვცემს, დავაჩქაროთ და გავზარდოთ პროდუქციის ექსპორტი. თუმცა საზღვარგარეთ ექსპორტსაც რომ თავი დავანებოთ, ფაქტიურად აუთვისებელია როგორც თვით რესპუბლიკის, ისე საკავშირო ვრცელი ბაზარი. არადა, ძალიან მრავალფეროვანი და მდიდარი რესურსები გავვაჩინა. მინერალური წყლების გარდა სრულიად შეუსწავლელი და აუთვისებელია მტკნარი წყლები, მთის ანკარა მდინარეები, რომლებზეც ძალიან დიდი მოთხოვნილებაა მსოფლიოში.

ასევე დიდი მასშტაბით შეიძლება ლალიძის წყლის ექსპორტირებაც. დღესათვის რესპუბლიკაში მისი ჩამოსხმა არ აღემატება 9 მილიონ დეკალიტრს. თავისუფლად შეიძლება წარმოების გაფართოება და ექსპორტი, მაგრამ აქ თავს იჩენს სხვა წინააღმდეგობა: არა გვეყოფნის ბოთლი! დღესათვის მთელ კავშირში მინის ტარის დეფიციტია. არც საჭირო მეტალი გავვაჩინა, რომ უცხოელთა მსგავსად ჩვენც თუნუქის ქილებში ჩამოვასხათ

პროდუქცია. ამიტომ სანამ ამ საკითხებს მოვავარებდეთ, მანამ დიდი მნიშვნელობა ენიჭება უცხოეთის ფირმებთან თანამშრომლობას და შერეული საწარმოების შექმნას, რათა ერთობლივი ძალისხმევით მოხდეს ჩვენი წყლების ჩამოსხმა. მაგალითად, ახლო მომავალში ავსტრალიის ერთ-ერთ ფირმასთან ერთად ქალაქ სინგაპურში ჩამოვასხამთ ლალიძის წყალს.

გამოთვლა გვიჩვენებს, რომ მინერალური წყლების, უალკოჰოლო სასმელებისა და მათი ნახევარფაბრიკატების სისტემატიური ექსპორტი რესპუბლიკის ბიუჯეტს ყოველწლიურად დაახლოებით 150-200 მილიონ თავისუფალკონვერტირებულ მანეთს შესძენს.

ერთი სიტყვით, დღეს, როცა რესპუბლიკა თვითონ გადის საგარეო ვაჭრობის ორბიტაზე, პერსპექტივებიც თანდათან ფართო ისახება. ამის ერთ-ერთი დადასტურებაა ახლახან შექმნილი აგროიმპექსი (აგრომრეწველობის იმპორტ-ექსპორტი), რომელიც შუამავალი ორგანიზაციაა მრეწველობასა და მყიდველს შორის.

— თუ შეიძლება, მკითხველებს მოკლედ უამბობ თქვენი ფირმის უფლებებსა და ამოცანებზე.

პასუხი: ფირმის შემადგენლობაში შევიდნენ მინერალური წყლების, უალკოჰოლო სასმელებისა და ლულის მრეწველობის საწარმოები სამეურნეო დამოუკიდებლობისა და იურიდიული პირის უფლების შენარჩუნებით.

ჩვენი მიზანია, საქმიანი კავშირი დავამყაროთ უცხოეთის ფირმებთან, აუცილებლობის შემთხვევაში საბჭოთა თუ უცხოური ვალუტით ავიღოთ სესხი. ასევე უშუალოდ ჩვენმა ფირმამ უნდა შეიმუშაოს და განახორციელოს კომპლექსური პროგრამა საწარმოთა სპეციალიზაციისათვის საექსპორტო პროდუქციის გამოსაწვებად.

ფირმის შექმნა და მისი საქმიანობა საშუალებას მოგვცემს, მომავალში განვახორციელოთ ერთიანი გრძელვადიანი პროგრამა შემოსული სავალუტო სახსრების მაქსიმალურად გამოყენებით საწარმოთა ტექნიკური გადაიარაღებისა და სახაგრო-მრეწვის სისტემის საგარეო-ეკონომიკური კავშირების გასაფართოებლად; ასევე იმ პირველხარისხის ამოცანის გადასაჭრელად, რომელიც დგას რესპუბლიკის სახალხო მეურნეობის წინაშე საექსპორტო მიწოდებათა გასაღივებლად.

ჯემალ მახრიშვილი



ფთარი მას ხალხმა შეარქვა, ხალხში ერთ-ერთი „გავლის“ დროს დაუძახეს. „ფთარი მოდის, აფთარიო“, იყვირა ვილაცამ. იმ დღიდან მოყოლებული შეერქვა. „ხალხში გავლა“ ვარლამ არავიძემ შემოიღო პირველად არავის მხარეში. შავი ემცხრების მწყობრს, რომელიც მუდამ თან ახლდა, გააჩერებდა შორი-ახლო, მოფარებულში. მარტო გადმოვიდოდა მანქანიდან და ხალხში გაეროდა. ვარლამ არავიძეს, ხელმწიფის ტოლა კაცს, კვერცხის რიგში ხომ ვერ წარმოიდგენდნენ? ალბათ ჰგავს ვარლამ არავიძეს, ფიქრობდნენ და გულგრილად აუვლ-ჩაუვლიდნენ. როცა პირველმა ასეთმა გავლამ ათი ადამიანის დაპატიმრება გამოიწვია, მაშინ კი აფორიაქდნენ არაველები და შიშითა და ეჭვით შეპყრობილნი, ელოდნენ, კიდევ როდის გამოჩნდებოდა.


ვარლამ არავიძეს სულ არ სჭირდებოდა „ხალხში გასვლა-გავლა“. ამისთვის მან შექმნა საგანგებო სამსახური. ყოველ დაწყებულ დღეში, ყოველ საწარმოსა და საამქროშიც კი, ვილაც ერთი მუშაკი „სიგნალებს“ აგროვებდა. ინფორმაციები გააუქმა და სამაგიეროდ დასმენა საერთო სახალხო საქმედ აქცია. კარგი დამსმენი, მომავალი თანამდებობის პირი იყო. აღსანიშნავია და მმართველობაშიც საგანგებო განყოფილებები იყო შექმნილი, სადაც მოწოდებული „ინფორმაციები“ და „სიგნალები“ მუშავდებოდა.

ვარლამ არავიძე სამსახურში დილით რომ მობრძანდებოდა, მოახსენებდნენ მხარეში არსებულ „ოპერატიულ ვითარებას“...

უფროსის კარიდან გამოუსვლელად მას შეეძლო სცოდნოდა, სად რა ხდებოდა მის საბრძანებლოში, მაგრამ ამ ცოდნას არ სჭერდებოდა, კვირაში ერთხელ უნდა გასულიყო ხალხში. არა მარტო ქალაქის დასათვალისწინებლად გადიოდა. არამედ შორეულ რაიონებსა და სოფლებსაც კი ესტუმრებოდა. რაიონში „გასვლას“ საიდუმლოდ ინახავდა. ადგილობრივი ხელისუფლები ამ ამბავს მაინც იგებდნენ და მომზადებულნი ხვდებოდნენ. ვარლამს თავისი ხალხი მუშაობაში უნდა ენახა. თუნდაც ერთი ადამიანისთვის მოეკრა თვალი, ვისაც საქმე არ ჰქონდა, ხელმძღვანელობა სასტიკად ისჯებოდა. ამიტომ მისი ყოველი ჩასვლა რაიონში შიშის მომგვრელი იყო.

ვარლამ არავიძე ზოგჯერ სულ მთლად მოულოდნელად გადაწყვეტდა სოფლის მუშაკებთან შეხვედრას, მძლოლმაც კი არ იცოდა. სად მიდიოდა მისი პატრონი, იცოდა მხოლოდ პირადმა დაცვამ.

რაიონის, სოფლის ხელისუფალთ, სულერთია საიდან, მაინც უნდა გაეგოთ, რომ ვარლამ არავიძე მათთან ჩამოდიოდა და მომზადებულნი უნდა შეხვედროდნენ. რამდენი ჩაის ბუჩქი ჰქონდათ, იმდენი მკრეფა უნდა გამოეყვანათ, რამდენი სიმინდის ღერი ხარობდა ყანაში, იმდენი მთონელი ეშვავათ და, როცა ოჩაიებს და სიმინდის ყანებს შავი ემცხრების წყებანი ჩაუვლიდნენ, „ახ, ტრაქტორო, მე შენს გამჩენს...“ უნდა ემღერათ...



პირველი უესპულრა აზთარნი

ერთი თავი რომანიდან „აზთარი“

მთელს არავის მხარეში ერთი ტრაქტორი დაუდიოდით მინდვრებში, მაგრამ ამ ტრაქტორით, ანუ ხარკინით, როგორც მას ხალხი ეძახდა, ძალიან ამაყოფნენ. რაც მთავარია, თურმე ვარლამ არავიძეს უყვარდა ეს სიმღერა. გადმოვიდოდა მანქანიდან, გახედავდა ოჩაიეს, იდგა თურმე და ქალების სიმღერას ყურს უგდებდა.

ერთი ასეთი „გავლის“ დროს, არავის ერთ ვიწრო ქუჩაში მინავლან ია და სანდრო ხალდანები. ისინი ვარლამს შორიდან დაუნახავს, ემცხრა ახლოს გაუჩერებია და იას დაკვირვებია — ეს ხომ ის ქალია, მიტინგის დროს მოედანი რომ გადაჭრაო, უფიქრია თავისთვის, დოქსოპულოვიც იმ მანქანაში მჯდარა. მძღოლს წამით შეანელებინა მანქანა და ია ხალდანს თვალი ააყოლჩაყოლა.

ვარლამი სანდროსაც შეუმჩნევია, შეშინებულა, ცოლისთვის ხელი დაუვლია და გაქცეულან. ვარლამს არ მოსწონებია სანდრო ხალდანის გაქცევა. მხოლოდ ამის შემდეგ უბრძანებია დოქსოპულოვისთვის — გაიგეთ ვინ არიან და რატომ გაიქცნენო. დოქსოპულოვს იქვე მოუხსენებია: სანდრო ხალდანს ამ მხარეში ცნობილი მწერალია, ის ქალი — ია ხალდანსი გახლავთ, მისი ცოლიო. ვარლამს დოქსოპულოვი თავის მანქანიდან ჩამოუხვამს და უბრძანებია, სასწრაფოდ შეეპყროთ გაქცეულნი და შეესწავლათ, ვინ იყვნენ, რას აკეთებდნენ, რითი ცხოვრობდნენ და რატომ გაიქცნენ...

თვითონ თავის საბრძანებლოში დაბრუნებულა და მსხვერპლს იქ დალოდებია.

ია და სანდრო ხალდანები გაქცეულანო, რომ ვთქვათ, ცოტაა. კი არ გაქცეულან, გამჭრალან. თვით დოქსოპულოვი და რიკტაფელოვიც გაკვირვებულან ასე თვალსა და ხელს შუა სად დაგვეკარგნენო.

სანდრო ხალდანს სცოდნია თურმე ძველი არაქალაქიდან საიდუმლო გასასვლელი. როცა მტერი ქალაქს ალყას შემოარტყამდა და საშველი არსაიდან იყო, მიწაში ჩასაძვრომი ხვრელებით შეიძლებოდა თურმე არავის ქალაქში გასვლა და იქიდან წყლის ამოტანა. იმ ხვრელში ჩამბტარან და იქიდან ქალაქგარეთ ხელად გასულან.

დოქსოპულოვმა და რიკტაფელოვმა იცოდნენ ამ ხვრელების არსებობაც, მაგრამ არ ეგონათ თუ სანდრო ხალდანს თავის ცოლს ამ ქვესკნელში ჩაიყვანდა! არ ადგათ ასეთი გასაჭირი, რატომ უნდა ჩამდვრალიყვნენ შავ ჭურღმულში? — ასე ფიქრობდნენ ისინი, თან არავის იმ უბანს, სადაც ია და სანდრო ხალდანები დაეკარგათ, ყირაზე აყენებდნენ. ეზოებში, ბინებშიც კი უყარდებოდნენ მობინადრეებს, საგანგებო ხაზებით უკავშირდებოდნენ ქალაქის ყველა საგუშაგოს და აფრთხილებდნენ ასეთი და ასეთი ცოლ-ქმარი დააკავეთო.

დოქსოპულოვისა და რიკტაფელოვის მანქანები თითქმის მთელ არავეში იყვნენ გაბნეულნი. როცა უფროსი თავის საბრძანებლოს სტოვებდა და ქვეყნად გამოდი-

ოდა, რასაკვირველია, მთელი ქალაქი, მთელი არავის მხარე დოქსოპულოვს და რიკტაფელოვის კაცებს ხელში უნდა დაეჭირებინათ. იმ დღესაც ასე იყო, მთელი ქალაქი ხელთ ეპყრათ და „დამნაშავე“ თვალსა და ხელს შუა არ გაექცათ?! მიწა უნდა გაეხეთქათ და ეპოვათ ხალდანები, უკან, ვარლამ არავიძესთან, ხელცარიელნი ვერ დაბრუნდებოდნენ.

როცა დოქსოპულოვი და რიკტაფელოვი ქალაქში ჰირის ოფლში იწურებოდნენ, ია და სანდრო ხალდანები ქალაქიდან უკვე გასულები იყვნენ და მინდროში გარბოდნენ. უკან-უკან იყურებოდნენ, შავი მანქანები საცაა გამოჩნდებიანო, ფიქრობდნენ. თავშესაფარიც აღარსად იყო! რა ექნათ, ხან აქეთ მიაწყდებოდნენ, ხან იქით!..

შორს ერთი კაცი ხნავედა ამ თვალგადაუწვდენელ მინდროს და თავისთვის ლილინებდა, ხარებს იშვიათად აუქნევდა სახრეს, რადგან ისინი ძალზე დამჯერნი, პატრონის ერთგულნი ჩანდნენ, ჰაპანს შეუძახებლად ეწეოდნენ.

სანდრო მხენელისაკენ გაეშურა, რატომღაც იმედი გაუჩნდა. რა შეეძლო მხენელს, მაგრამ მაინც მისკენ წავიდა ანგარიშმიუტეველად, იმას მაინც მეტყვის, ამ ტრიალ მინდროში საით გავიქცე, თავშესაფარი სად იპოვებო...
— ვოოო! — შეუძახა მხენელმა ხარებს. — ხიი!.. ოო, ორე...

გუთნეული შეაყენა. შუბლიდან ოფლი მორკალული ხელით მოიწურა და აქოშინებულ ახალგაზრდებს გაკვირვებული შეაჩერდა.

— ბატონო, მოგვსდევენ!.. გვიშველეთ რამე!.. სადმე დაგვეპალეთ, — მიაყარა სანდრომ ქოშინ-ქოშინით.

მხენელმა სახრე გუთნის ხელნაზე მიაცულა, ჩანდა, რომ არ ეჩქარებოდა, სათუთუნე ამოიღო და გულისგარეთ ჰკითხა მოსულს.

— ვინ მოგსდევთ?..

— დამჭირველები!..

მხენელმა თავი გადააქნია და გვერდით გადავა.

— ისინი ახლა საცაა გამოჩნდებიან, — მიეშველა ქმარს ია.

— სად დაგმალეთ, ხალხო, — გაიოცა ბერიკაცმა, — ხომ ხედავთ, ერთი ხე არ დგას არსად, როგორ-ღა დაიმალებით?

— გზა მაინც გვასწავლეთ, საით გავიქცეთ, — შეევედრა სანდრო.

— რა გზა გასწავლეთ. ბავშვები ხომ არა ხართ. თუ დამჭირველები მოგსდევენ, ხომ იცით, მიწაში რომ ჩამძვრეთ, იქიდან ამოგილებენ. თუ გნებავთ ავერ ამ მიწაში ჩაგმარხავთ, სხვა სამალავი არა მაქვს რა!..


— ჩქარა! — შეჰყვირა სანდრომ. მოეწონა ბერიკაცის აზრი და პირდაპირ კვალში ჩაწვა. იაც უმალ გვერდით მიუწვა.

— დაგვაყარე მიწა, — შეუძახა ბერიკაცს სანდრომ. — ეს ახლა მართლაც ერთადერთი გამოსავალია.

ბერიკაცი გაზეთის ქალაქში გახვეული თუთუნის ფული-ფულით სადღაც წავიდა და ბარი და თოხი მოიტანა.

— აქ დაგინახვენ, გზისპირია. აქეთ წამოდით!..

ნახნავის შუაგულისაკენ წაიყვანა. შეჩერდა, გაიხედ-გამოიხედა. ყურადღებით შეათვალთვალა გარემო, ვინმე ხომ არ გვიყურებსო და ორმოს თხრას ისე გულდაგულ შეუდგა, თითქოს მართლა სამარეს თხრიდა.



— ჩქარა! — აჩქარებდა სანდრო და თვითონაც თოხით ეხმარებოდა.

— თოხით არ გაითრება, — უთხრა ბერიკაცმა. — გირჩევენია ჩემი ნათხარი ამოწმინდო.

— ამას მე ამოვწმინდავ. — ია ხელით შეუღდა ნათხარის მიწის ამოყრას.

— ოჰ, თქვენ არა, — იუარა ბერიკაცმა და იას რომ არ ემუშავა, ნათხარის მიწას ბარი ნიჩბივით ამოუსვა, ხელათ ამოყარა ნათხარი მიწა ორმოდან.

სანდრომ ერთი ბარისპირის მეტი აღარ ამოათხრებინა ბერიკაცს, ვერ მოვასწრებთო, ჩაწვა ორმოში და ცოლიც გვერდით მოიწვინა. ბერიკაცმა მიწა ბლომად მიაყარა, მართლაც ჩამარხა მიწაში ორივე. მართლაც თავები მოუჩანდათ.

ია ბავშვივით იყო ატაცებული, გლეხკაცმა ეს რა გონივრული რამ მოიფიქრაო. თუ არავიდის კაცები აქეთ გამოსწევდნენ, თავიანთი ემცხრებით შემოიჭრებოდნენ ამ მინდორშიც, მანქანის გზა ეგერ, ჰე, შორს გადიოდა. ვერ დაინახავდნენ ვერაფერს.

— გამჭირაბი გლეხკაცი შეგვხვდაო, — ეჩურჩულებოდა იას თავი სანდროს თავს.

— ნეტა რას აკეთებს, სად წავიდა? — იკითხა სანდროს თავმა. ისინი თავებსაც კი არ ანძრევდნენ, ეშინოდათ ამით რამე არ გაეფუჭებინათ.

— სადაც უნდა, იქ წავიდეს, მე ბევრი მიწა არ მაყრია, ჩემითაც კი წამოვდგები. შეენ?..

— იმიტომ კი არ ვკითხულობ, რომ ვერ ამოვალთ „სამარხიდან“. ხვნა უნდა განაგრძოს, ეჭვი არავინ არაფერში შეიტანოს.

თითქოს სანდროს ფიქრებს უპასუხაო, ბერიკაცის ჭავრობა გარკვევით გაისმა მინდორში:

— კვალში-მეთქი შე, სამგლევე, შენა. — ბერიკაცი ხარს უჭავრებოდა. სანდროს გაუხარდა.

— გაიგონე? — ჰკითხა იას. — ხნავს... აი, ასე, სპექტაკლი დადგმულია! მობრძანდით, ბატონო ვარლამ და იხილეთ თქვენი თვალით. ტრიალ მინდორში გლეხკაცი ხნავს მიწას, მეტი აქ არაფერი ხდება.

— ეგებ არ მოგვსდევდნენ და ჩვენ ტყუილბრალად დავფრთხილეთ, — თქვა იას თავმა.

— არ მოგვსდევენ? ჩჩჩუუუ... უკვე შესმის მანქანების ხმა. შენ არ გესმის?..

— ჩიტი უსტვენს სადღაც. სხვა ხმა მე არ მესმის.

— ვარლამ არავიქემ თვალი თუ დაგადა, მორჩა. დიდკაცების ცოლები თურმე უკვე თავისი ფეხით მიდიან მასთან. შენ კიდევ ჩიტის სტვენა გესმის!.. ახლა ეს რა ხმაა!.. გესმის ახლა?..

— უიმე, მართლა მანქანებია, თავის წამოწევა სცადა იამ.

— არ გაინძრე, — უბრძანა სანდრომ.

— ეგებ გამვლელი მანქანებია, — შიშისაგან მთლად დაეღია ხმა იას.

— ჩჩჩ...

მოეჩვენათ, რომ მანქანები ძალიან ახლოს გაჩერდნენ. მანქანის კარმა გაირაჯგუნა, ფეხის ხმაც კი შემოესმათ. „ვილაც გადმოვიდა მანქანიდან“, — გაიფიქრა სანდრომ. „ვისი ფეხის ხმაა?“ — გაიფიქრა იამ.

— ვილაც გადმოვიდა მანქანიდან, — დაიჩურჩულა ზეცას მიჩერებულმა სანდროს თავმა.

— ვოოო, ხიი, მოო, — გაისმა ბერიკაცის ხმა.

— აქეთ ვინმეს ხომ არ გამოუვლია? — შორიდან კითხულობდა მანქანიდან გად-

მოსული, ნახნავში შესვლა შეეზარა.

— ნწუ, არა. არავინ მინახავს, — გაისმა პასუხად.

— დღის ბოლომდე ამ გზაზე ვინც გაივლის, ჩაიწერე. ხომ იცი, სადაც უნდა დარეკო...

— ვიცი.

ძრავები ამუშავდნენ, მანქანები წავიდნენ.

— გადავჩიოთ, — თქვა იას თავმა.

— ჩჩჩ... ეს რა ამბავია? — იკითხა სანდროს თავმა და გაილურსა. შარიშური და ფართხუნი შემოესმათ. მანქანები წავიდნენ თუ არა, ეს შარიშური და ფართხუნიც თითქოს მათ მიჰყვაო, მანქანების ხმას გაედევნა. „რა უნდა იყოს?..“ ფიქრობდა სანდრო.

— გლეხკაცი ალბათ ჩვენთან მორბის, — ახსნა იამ.

— ბირიქით ხომ არ არის? — ჩვენგან ვარბის, — თქვა სანდრომ.

„სად გაიქცა...“ ფიქრობდა სანდრო.

„ნეტა სად გაიქცა...“ ფიქრობდა ია.

დაეჭვებულნი ფიქრობდნენ.

მანქანიდან გადმოსულმა როცა ბერიკაცს მკაცრი კილოთი უთხრა, ხომ იცი, სა-

დაც უნდა დარეკოვო, იცოდა, რალა თქმა უნდა!.. გაფრთხილებაც აღარ სჭირდებოდა, ამბის არმიტანისათვის ციხე ელოდა, არავის მხარეში ასეთი კანონი კარგა ხანია მოქმედებდა. კანონს გლეხკაცი ვერ გადავიდოდა. შეატყობინებდა სადაც ჯერ არს. ამასობაში მიწაში ჩამარხულნიც გავიდოდნენ სამშვიდობოს... ასე ფიქრობდა ბერიკაცი იმ წამებში, როცა მანქანიდან გადმოსულ დამპირველს უთხრა: ნწუ, არაო. მანქანები რომ დაიძრნენ, ბერიკაცმა მანქანაში მსხლმ დოქსოპულოვსა და რიკტაფელოვს მოჰკრა თვალი. გააცივა, კანზე თუ სადმე ბუსუსი ესხა, აებურძგლა. მუხლებმა დაუწყეს კანკალი. უმალ მიიღო გადაწყვეტილება, ახლავე, ამ წუთას უნდა მიეტანა „დანოსი“. მას უკვე ჰქონდა დანაშაული ჩადენილი, დამპირველებს გამოქცეულები მიწაში ჩამარხა, უნდა გამოესყიდა! გამიგებენ, ამათ ხომ არაფერი დაემალება, მეერ გვიან იქნებაო, — ადგილს მოწყდა და მანქანებს გამოუდგა.

საიდან გაიგებდნენ რომ მაინცდამაინც მხენელმა ბერიკაცმა ჩამარხა მიწაში დამნაშავენი? ხვალ და ზევ უსათუოდ შეიპყრობდნენ მიწაში ჩამარხულებს, პირველი დაკითხვისთანავე, სწორედ ისინი გათქვამდნენ ბერიკაცს. თუ არ იტყოდნენ, ათქმევენებდნენ. დამპირველები უკან მოგსდევდნენ, შენ, თვალსა და ხელს შუა დაეკარგე, სად იყავიო. ამას კი არა, რიკტაფელოვი და დოქსოპულოვი, პროფესორებს აწერინებდნენ — მე პროფესორი არა ვარ, პირუტყვი ვარ, ოთხფეხზე დავდივარო.

ხოლო თუ ჩვენებაში ერთხელ მაინც ვინმე გახსენებდა, შულამისას მოგიკაკუენებდნენ კარზე.

— ბერიკაციო, შენ მიწაში ჩამარხე დამნაშავენი, — ყურში ჩაესმოდა დოქსოპულოვის ხმა, — ამით ხელი შეუწყე მაგოვის ქვეყნის დასუსტებას, — ე. ი. ეწვევ ძირგამომთხრელ მუშაობას, ხოლო აქედან გამომდინარე სამშობლოს მოღალატე ხარ! გარბოდა და ხმა ყურში ჩასწიოდა. ნახნავებში გარბოდა, მანქანებს გზას მოვუჭრი, წინ დავხვდებიო. დამპირველებმა უკან გამოდევნებული მოხუცი შეამჩნიეს და ჯერ ერთი მანქანა გაჩერდა, შემდეგ მეორე, მესამე. ბერიკაციც ჯერ ერთ მანქანასთან მივარდა, შემდეგ მეორესთან,

მესამესთან, რიკტაფელოვსა და დოქსოპულოვს ეძებდა. ორივენი მანქანაში იხსდნენ. ბერიკაცი, მანქანის კარს მივარდა და სახელურს დაეჭავრებოდა. გაღება უნდოდა. ფიქრობდა, უფროსებს ფეხებს დაეუკონი და პატიებას ვთხოვო. დოქსოპულოვ-რიკტაფელოვის მანქანების კარები სხვა მანქანათა კარების დარად არ იღებოდა. თითქოს იცის ბერიკაცმა, რაც უნდა უთხრასო, დოქსოპულოვმა თავი გამოჰყო მანქანის სარკმლიდან და მიუგლო:

— თქვი!..

ბერიკაცი ხელზე წაეტანა. კოცნა მოუწოდოდა. დოქსოპულოვმა ხელი არ დაანება. დამალა.

— დავიღუპე, დავიღუპე, მაპატიეთ, — საბერველივით კწ ნავდა ბერიკაცი და დოქსოპულოვის ხელმონაკიდებ მანქანის სარკმელს კოცნიდა. — მანქანები... რომ... დაიძრა მაშინ... დაგინახეთ... არ მეგონა, თუ... თქვენი ხალხი... იყო... თქვენებს უარს როგორ ვეტყვოდი, — ხარბენი ნაწყვეტ-ნაწყვეტად ისროდა სიტყვებსა და წინადადებებს.

— თქვი ჩქარა, არ გცალია, — შეუღრინა დოქსოპულოვმა.

— წამობრძანდით, ვიცი სადაც არიან, — უთხრა ბერიკაცმა.

დამპირველები მანქანებიდან გადმოსულიყვნენ, ბერიკაცსაც უკვე გარს შემორტყმოდნენ. ბრძანებას ელოდებოდნენ.

— ჩასვით მანქანაში და წამოიყვანეთ! — გაისმა ბრძანებაც, ბერიკაცი ჩასვეს და მანქანები უკან გაბრუნდნენ. ბერიკაცმა მანქანები გზის პირას გააჩერებინა, რიკტაფელოვი და დოქსოპულოვი თავისი თანამშრომლებიანად ნახნავებში შეიყვანა და მიწაში ჩამარხულებისაკენ გაემართა. თვით მრავლისმნახველი რიკტაფელოვი და დოქსოპულოვი გაოცდნენ, როცა მიწაში ჩამარხულ იასა და სანდროს თავებს წამოადგნენ.


— რა გქვია, ბერიკაციო? — ამოსძახა მოულოდნელად სანდროს თავმა მიწიდან. სახტად დარჩა არამართო ბერიკაცი, არამედ ყველა იქ დამსწრე. უაღვილო შეითხვა იყო. თავის მართლების ნაცვლად, დამნაშავე დამსმენის ვინაობას იძიებდა? აღშფოთდნენ რიკტაფელოვი და დოქსოპულოვი, ერთმანეთს გადახედეს.

— ღვთისავარი, — უნებურად მიუგო ბერიკაცმა.

— ღვთისა კი არა, ეშმაკისა ყოფილხარ, — დინჯად უთხრა სანდრომ. — რა გვარისა ხარ?

— რა შენი საქმეა, რა გვარისა ვარ, — ახლა აიჭაყყანდა ღვთისავარი. — შემაცდინე, ავი საქმე ჩამადენინე. „რა გვარისა ხარ“... შენ თუ კაი კაცი ხარ, ჩემს სახელსა და გვარს კი ნუ დაეძებ, ადექი მანდედან და პასუხი ავე!..

სანდრომ ჯერ ცალი ხელი გამოჰყო ნაყარი მიწიდან. შემდეგ მეორე ხელი. მკერდიდან ბელტები გადაიგორა და წამოჯდა. ცოლს მიეშველა მიწის გადაყრამი. ისიც წამოაყენა. სამოსის ბერტყვა-ბერტყვით წამოადგნენ. დამპირველები იქით-აქით ამოუდგნენ. დოქსოპულოვსა და რიკტაფელოვს კრინტი არ დაუძრავთ. უთქმელადაც ყველაფერი ნათელი იყო. გატრიალდნენ და წავიდნენ მანქანისაკენ. ია და სანდრო მათ უკან მიჰყვნენ, გასაკვირი ის იყო, რომ პატიმრებივით ზურგზე ხელები დაიწყვეს, თუმცა არავის უთქვამს, დაპატიმრებული ხართო.



სად ვიპოვოთ მალამო?

უტყუარა ჩვენი სოფელი, რაჭის ერთ-ერთ ჩვეულებრივ მთის სოფელს. იგი ხიზა მთისა და ჭოხუეთის ქედს შორის არის მოქცეული. ლამაზი შემოგარენი, კლდოვანი ქარაფები, ალპური სერები, ულრანი ტყეები, ანკარა და ცივი წყაროები, მთის ჯანსაღი ჰაერი... მეტი რა უნდა უნდოდესო ადამიანს, იკითხავთ განცვიფრებულნი.

თითქმის ხუთი საუკუნეა მისი ასაკი, ავიც უნახავს და კარგიც, ერთი დიდი ტყვილით დაეწყო: ძველი ნაეკლესიების ტერიტორიაზე ამ ათიოდე წლის წინ სასაფლაო დაარსდა. ხალხი გააოცა და შეაძრწუნა ყოველივე მიცვალებულის დამარხვის წინ ადამიანთა ძვლით გაჯერებული მიწის თხრამ.

ისტორიის მღვდელმთავრები ფარადნენ საიდუმლოს: საიდან გაჩნდა პატარა სოფელში ამდენი მიცვალებული. მხოლოდ ახლა, როცა გაიხსნა დახურული ფონდები, ცნობილი გახდა, რომ 1820 წლის „ცერკოვნი ბუნტის“ ანუ იმერეთის აჯანყების დროს — 21 მაისს, ფუტიეთში მომხდარა აჯანყებულთა შეტაკება ცარიზმის ჯარებთან... ამ უთანასწორო ბრძოლაში გმირული სიკვდილით დაეცა ორი ათასი მოაჯან-

იცნაველავიან მიტოვებული სოფლები

ყე. საყოველთაოდ ცნობილია, როგორ ბარბაროსულად გაუსწორდა ცარიზმი გურიას, იმერეთს და განსაკუთრებით რაჭას, სადაც აჯანყება ყველაზე უფრო მძვინვარე ფორმებში გადაიზარდა. იმ დროს განადგურდა სოფლის ეკლესიები, მონასტრის კომპლექსი, კოშკები, წინაპართა მრავალი შედეგები.

დიახ, ფუტიეთი სამშობლოს თავისუფლებისათვის მეტბოლოა წმინდა ძვლებით არის მოფენილი. ჭერ კიდევ ბევრ საიდუმლოს ფარავს სოფლის ეკლესიების და კოშკების ნანგრევები. განსაკუთრებით საინტერესოა სოფლის ნამონასტრალი. ხალხური გადმოცემით, აჯანყებულთა ძირითადი ნაწილი სწორედ აქ ყოფილა გამაგრებული. აქვეა შემონახული უძველესი აკლდამები, რომლებსაც სპეცილისტები მეოთხე-მეხუთე საუკუნით ათარიღებენ. ყველა ეს ისტორიული მნიშვნელობის ნანგრევი ელის მეცნიერთა ყურადღებას. 1820 წლის 21 მაისის აჯანყებულთა ბრძოლის უკვდავსაყოფად კი მემორიალი უნდა დაიდგას, ალბათ. იქნებ ამის შემდეგ კვლავ იხიროს სოფელში სიცოცხლის ნერგმა, გაცოცხლდეს მისი გული, ასე ძალუმაღ რომ ფეთქავდა საუკუნეების მანძილზე.

სოფელი ფუტიეთი დავით აღმაშენებლის მიერ დაარსებულ გელათის ტაძრის კუთვნილებას წარმოადგენდა... ისტორიულად იგი სვანეთიდან ჩამოსახლებული მოსახლეობისაგან შექმნილა 1503 წელს, ალექსანდრე იმერთა მეფის სიგელით. თვით სახელი ფუტიეთიც, მკვლევართა აზრით, სვანური ტოპონიმი. ფუტუ სვანურად ხერხელს, ფულურს ნიშნავს. ეს მით უფრო გასაგები იქნება, თუ გავითვალისწინებთ, რომ სოფელი ცარცული კირქვების ზონაში მდებარეობს და მისი მიდამოები მდიდარია კარსტული ხვრელებითა და ფულურობებით, რომლებიც შესასწავლი და გამოსაკვლევეა. გარდა ამისა, სოფელ ფუტიეთს შემოუნახავს სვანური წარმოშობის ტოპონიმებიც: ხოლვეი, ხუშაური, ზაქორია, კვარხალი, კოუები, ნამურყმევი და სხვა მრავალი.

1930 წლის ბოლოს ფუტიეთში ოთხმოცამდე ოჯახი ყოფილა. თითო კომლს ათზე ნაკლები მსხვილფეხა პირუტყვი არ ჰყავდა. ხარობდა მარცვლეულის იშვიათი ჯიშები, ბლომად ჰქონდათ კარტოფილი, კომბოსტო, მენილობა და მეფუტკრეობა ხომ ტრადიციულ დარგად ითვლებოდა...

ეს ყველაფერი არცთუ შორეული წარსულია, დღეს კი მიტოვებულ მერცხლის ბუდეებს გავს ფუტიეთი... იქ, სადაც ცხოვრება დუღდა, ახლა მხოლოდ ოთხი ხანდაზმული ადამიანი ცხოვრობს — ანტონ, ქე-

თევან, დუხია და ელენე გიორგობიანები.

ყველაზე უხუცესს — ანტონს — ნის გულისტკივილი:

— 82 წლის ვარ, ბევრი მიუნახავს, სად არ ვყოფილვარ. მაგრამ ჩემს მამა-პაპურ მიწაზე უკეთესი სამოთხე არ მეგულება არსად. ამიტომაც არ ვიცვლი ფეხს აქედან. უმძიმეს მდგომარეობაში კი ვართ. ხალხს შრომა შეაძლებს. საქონელი ისე უყვარდა ხალხს ძველად, თავის თავს ერჩია. იმას რომ კაცს წაართმევ, რაღა უნდა იწამო. მიწა წაგვართვეს, საქონელი ჩამოგვართვეს... მიატოვებდა ხალხი სოფელს, აბა რა იქნებოდა. ეხლა სხვანაირ ცხოვრებას მიეჩვივნენ, ვინ შესძლებს ისეთ შრომას, მაშინ რომ იყო. მაგრამ მაშინ ყველაფერს ხალხისთვალეობით ვაკეთებდით. ყველა საქმეს თავისი სიმღერა ჰქონდა... საერთოდ, წარსულის უპატივცემულობამ ქნა ყველაფერი. ყოველივე ძველის განურჩეველი ნგრევით გვინდოდა ახლის შენება. ასე ავაშენეთ სოფლის ფერმაც ძველი მონასტრის, ეკლესიების, კოშკების და ციხეების ნაშთების ქვებით, მაგრამ ეს ფერმაც ოხრათ არის ეხლა. დაინგრა და პატრონი არავინ ჰყავს!

მოხუცები ინარჩუნებენ დიდი ისტორიის მქონე სოფლის უკანასკნელ გულისფეთქვას. სად ვიპოვოთ მალამო ამ სიცოცხლის გადასარჩენად?

ავთანდილ გიორგობიანი

ბავუბოთი ერსიანათს

რუსი ქალი ვარ. დავიბადე და ერთხანს ვცხოვრობდი საქართველოში. ეროვნულ პრობლემას მწვავედ გამოვიცდი და, ასე მგონია, მთელი არსებით აღვიკვამ.

მასხნელება ხსრ კავშირის უმაღლესი საბჭოს მძაფრი ხსნომა, როდესაც ბალტიისპირელი დეპუტატები რესპუბლიკების ეკონომიკურ დამოუკიდებლობას აღწევდნენ. დღემდე უხერხულობას ვარძნობ ყველა ჩვენგანის გამო. ვისაც ხვეწნით ართმევდნენ ეკონომიკური დამოუკიდებლობის იმ უფლებას, რომელიც თვით გარდაქმნის არსიდან მომდინარეობს. განსაკვირვებლად სამართლიანად გაისმა დარბაზში ერთ-ერთი დეპუტატის ბრალდება: რისი გვეწინა? იმისა ხომ არა, რომ სხვები ჩვენზე უკეთ იცხოვრებენ? რატომ არ ვშიშობთ, ვაითუ ჩვენზე უარესად წაუვიდეთ ცხოვრება? რა, ადამიანური თვისებები დავკარგეთ?

მადლობა იმ რუსულ სკოლას, იმ მასწავლებლებს, ქართული ენა რომ მასწავლეს. მაშინაც მიმანდა და ახლაც ვთვლი: ნებისმიერი ეროვნებას ყოველ მოქალაქეს, თუ ის მოკავშირე რესპუბლიკაში ცხოვრობს, მარ-

თებს, რომ ელემენტალურად მაინც იცოდეს მისი ენა. ეს მიწის მეპატრონის პატივისცემაც არის. ხელსაყრელი პირობაც, თანასწორუფლებიანობაც. ერთაშორისი ურთიერთობისათვის ერთიანი ენის წინააღმდეგობა დარ. საქართველოში, მაგალითად, თუ მათი მშობლიური ენა არ იცით, დაგელაპარაკებიან რუსულად. და ეს ხალხის კულტურის დამადასტურებელია. მაგრამ. თუ ადგილობრივი მაცხოვრებელი ხარ და არა ახალჩამოსული, არ უნდა ხარგებლობდე თავაწიანობით უსასრულოდ და ცალმხრივად. როდესაც ინგლისში მივდივართ, არ მოვითხოვთ, რომ ექრუსულად გველაპარაკონ, ადგილობრივ ენაზე ვხაუბრობთ და შეურაცხყოფასაც არ განვიცდით. რატომ შევხვდით გაუგებრად იმ განწარხავს, რომ რესპუბლიკებში მშობლიურა ენა იქცეს სახელმწიფო ენად?

თუ მოკავშირე რესპუბლიკაში ვცხოვრობთ, უნდა გვახსოვდეს, რომ სტუმრად ვართ და ისე მოვიქცეთ, როგორც სტუმარს შეეფერება. ყოველი ხალხი უფროთხილდება და ავითარებს თავის ეროვნებასა და კულტურას.

თვითგამორკვევის საშუალებებს. რაც უფრო მცირეა ხალხი, მით უფრო მძაფრად განიცდის ამას. მერედა, გავიოცოთ ეს, თუ დავგმობთ? ასე არის და ასე იქნება მანამდე, ვიდრე არსებობს განსხვავება ერებს შორის. ზღვა-სა და მიწას, ტყესა და გორებს შორის განსხვავების მსგავსად.

საკმარისია, ვალიართ ერის თვითგამორკვევის უფლება ხაკუთარ სახლში და გაქრება წყენა, შეწყდება ჩურჩული იმაზე, რომ ხელმძღვანელ თანამდებობებზე მხოლოდ თავისიანებს ნიშნავენ, მხოლოდ თავის შვილებს აწინაურებენო: რა თქმა უნდა, კარგია. როცა ყველაფერში თანხმობა, და რაც უფრო ამაღლდება ერის კულტურა, მით უფრო ნაკლები იქნება ადგილობრივი ნაციონალიზმი, მაგრამ ამას პატივისცემისა და გაგების ორმხრივი გამოვლენით მივაღწევთ. თუ მოკავშირე რესპუბლიკაში ცხოვრება და მუშაობა გინდა, ამას ძალისხმევით მოეციდე, თვითონ შეუხისხლხორციდე მას.

ფესვადგმული ყალბი წარმოდგენა, რომ მე — მეპატრონე ვარ ყველგან,

აიძულებს უმცირესობას, სხვა მხრიდან მოსულ ადამიანებს, მოითხოვონ, რათა შეეგუონ მათ. ბალტიისპირეთში მიმდინარე გაფიცვების წინააღმდეგ ვარ არა მარტო იმიტომ, რომ ისინი მატერიალურ ზარალს გვაყენებენ, იმიტომაც, რომ გაფიცულები პატივს არ სცემენ ადგილობრივი მოსახლეობის გადაწყვეტილებებსა და ნება-სურვილს. აქ მნიშვნელობა არა აქვს იმას, როგორი მცირერიცხოვანიც უნდა იყოს და რარიგ სადავო გადაწყვეტილებებსაც უნდა იღებდეს ადგილობრივი მოსახლეობა. არც ერთი ერი, დიდი თუ პატარა, რაგინდ მძიმე დღეშიც უნდა ჩავარდეს, არასოდეს დათმობს თავის დამოუკიდებლობას. ასევე შეუძლებელია ერთა თანამეგობრობა, თუ პატივს არა ვცემთ ერთმეორის ეროვნულ თვისებებებს. რუსეთიც, როგორც ერი, თავის ალორძინება-განვითარებას ელის.

ერთადერთი სურვილი ვიქონიოთ: მოდით, გაუფოთ და დავებმარო ერთმანეთს.

ს. ნ. ჩარნიაკოვა,
იურიტი, სპსკ წმინდა
1953 წლიდან

გალაქტიონე ტაბიძის ჩანახატების ბაიოგრაფია, რომელიც საბართველო ზიოტა ლიონის სახელობის აკადემიური ლიტერატურის სახელმწიფო მუზეუმში მოეწყო, პოეტის მდიდარი და მრავალფეროვანი აკრძის ცალკეული ფრაგმენტებია. საბართველო ციომ წარმოდგენილი ხელნაწერები, მემორიალური ნივთები და უბის წინააღმდეგ კიდეც ერთხელ შეგახსენებანი ლიტერატურის მუზეუმის, რომელიც უნიკალური განმარტების მნიშვნელობას და გალაქტიონე ტაბიძის მემორიალური ანტიკის და წინააღმდეგობის ხაზგასმას.

3 ეიზაი, პორტრეტი. სულის მოძრაობა გალაქტიონე ტაბიძისათვის. უპირველეს ყოვლისა, მორფოლოგიური აღწერის კატეგორიები განლაგებულია სიტყვათა შეთანხმება: „სალამო იწვა ხვედრის ყდაში“, „ოცნება ნახაზი საგანთა უარით“ თუ „სამშობლო შავი ლიუციფერის“ ობიექტურად არ აიხსნება. პოეტისეული ქვეტექსტი ჩვენთვის მიუწვდომელია და მკითხველის წარმოსახვას არის მიწოდებული.

...„შეხედეთ, როგორი სისწრაფით ეცემიან ტახტები... თქვენ, პოეტებო, მხატვრებო, არტისტებო, მწერლებო, შესძლებთ თუ არა განიცადოთ ეს ყოველივე“ — გალაქტიონე თავისი ცხოვრების ერთ-ერთ ყველაზე რთულ პერიოდში, ასეთი ამაღლებული პათოსით შენიღბა მარტოობა, თანამედროვეობასთან გაუცხოების შიში და ადამიანური უმწიბრობა...


„აშკარად ვგრძნობ... ჩემს უთვისტომობას, მარტოობას“ — ჩაინიშნა შემდეგ უბის წიგნაკში.

იგივე უბის წიგნაკებში ჩაუხატავს საკანი შუბლში, ნიღბები, ეშმაკები, წაშლილი თვალბები, აბსტრაქციები, ავადმყოფური სახეები, წაქცეული ხე, ფესვამდგარი ხე, გროტესკული პროფილები, ჭვარტის, ფრთებიანი ავტობორტრეტი სათაურით: „საქანელა ტრიოლეტებით“...

გალაქტიონის უამრავ ხელნაწერს ახლავს ჩანახატი, მაგრამ ის არ არის ლექსის სიუჟეტური ქარგის ან განწყობილების გრაფიკული გამოსახულება. პირიქით, იგი აბსოლუტურად საპირისპირო ემოციებსა თუ ასოციაციებს ბადებს და არც ერთი ნიშნის მიხედვით არ შეიძლება ილუსტრაცია ეწოდოს.

ჩვენ წინაშეა „მერის“ ვარიანტები. უზუსტესი გუმანით სრულყოფს ლექსს გალაქტიონე.

პირველი ვარიანტი:



შენ იმ ღამეს ჭვარს იწერდი, ჩემო მშვენიერო მერი, ვინ აღწეროს შენი სახის მაშინდელი ელვა, ფერი. ვინ ასახოს მისი იმ უამს უცხო კრთობა და იერი, მაინც ტურფა, მაინც სათნო და უზომოდ მშვენიერი...

თექვსმეტმარცვლიანი საზომი შემდეგ თორმეტმარცვლიანით იცვლება:

„შენ იმ ღამეს ჭვარს იწერდი, მშვენიერო მერი“... და ბოლოს ათმარცვლიანი საზომით გამართული ვირტუოზულად კონცენტრირებული სტრიქონები: შენ ჭვარს იწერდი იმ ღამეს მერი, მერი, იმ ღამეს მაგ თვალთა კვლია. სანდომიან ცის ელვა და ფერი მწუხარე იყო, ვით შემოდგომა...

ამავე ხელნაწერზე მიხატულია მწოლიარე კაცის კარიკატურა. უფრო ქვემოთ კი ორი ასევე კარიკატურული პორტრეტი...

აი, ხელნაწერი ლექსისა „ვიგონებ რა იმ მიქელანჯელოს“. სტრიქონებს ქვეშ „ესაფეხურის ლალის ტატნობი“ ორი გროტესკული სახეა. აქედან ერთი თმაგაცენილი მწიწიწაა.

ერთგან ვკითხულობთ: პოეტი მიჰყვებს, მიჰყვებს სასახლესა და ქუჩას. თუ ტაშისცემა ბრიყვის დიდ დაფასებად უჩანს.

იქვე ხატია გიტარა, გასალევი, თარიღი „9 იანვარი, 1948“ და ვალების სია, რომელსაც

იქვე აჯამებს. ერთ ხელნაწერშია: მე ვაღვებრძვლებ საქართველოს სავესე ყანწებით. მე ვაღვებრძვლებ... უფრო ქვემოთ: რა ბედნიერი ვარ მამულო, რა ბედნიერი, რომ შენი ცის ქვეშ, შენს მიწაზე ისევ დავბრუნდი“...

მიხატულია ავტობორტრეტი იმიტაციური ბორკილით და გვირაბიდან გამომზირალი პირმრგვალი სახე... და ასე, გამონაკლისის გარეშე, გრძელდება კონტრასტები გალაქტიონის ლექსსა და მის ჩანახატს შორის.

გალაქტიონე ტაბიძე არ ცდილობს ნახატის სრულყოფას, რაფინირებას. ზოგადი, ხშირად ძალიან ოსტატური, მონახაზითაც კმაყოფილდება. შთაბეჭდილება იქმნება, რომ ლექსზე მუშაობის დროს მას სჭირდება იმ განწყობილებიდან სრულიად ამოვარდნილი საგნის ხატვა. რატომ? მართლაც „ისე ცოტაა გასაგებელი“... „მე მინდა ვწერო საგანზე და საგნის გარშემო და არა იმიტომ რომ უბრალოდ ვწერო“. — წერს გალაქტიონე. ალბათ ხატვა სცილდება მისი მთავარი „საგნის“ სამყაროს.

გალაქტიონის ჩანახატები რალაციით ჰგავს პოეტისავე ჩანაწერებს უბის წიგნაკებში, სადაც სუფევს ქაოსი, უსისტემობა, ეჭვები, ხშირად არის სხვათა განკითხვა. ძალიან იშვიათად კი — სიმშვიდე და ჰარმონია. იქნებ ეს ჩანახატები და ჩა-

ნაწერები პოეტის... ინდივიდუალური... ნობისაყენ. გზად... დელი მის უმთავრეს საგნამდე, უკანასკნელ თავშესაფრამდე — პოეზიამდე.

ჩანახატები, რომელიც სავესე გროტესკით, ტრაგიზმით, კონკრეტულობით (რაც გალაქტიონის პოეზიისაგან არსებითად განსხვავებული სამყაროა) ნაწილობრივ ეხმაურება გალაქტიონე ტაბიძის გარეგნის ცნობილ ფორმულას, რაც საკუთარ დღიურში ასე გამოხატა პოეტმა: „ბრძოლა „გალაქტიონს“ და „გალაქტიონს“ შორის. რით გათავდება ეს ომი“...


ერთგან ვკითხულობთ: „უნდა დავწერო წერილი „მე, როგორც პიროვნება“. შიგადაშიგ ნახსენები იქნება მხოლოდ ნერვები“...

უდიდესი სულიერი დაძაბულობის, ვალების, ეჭვების, ყოველდღიურობის ჭუჭყის და ნახვითა და გვერდის ავლით მიიკვლევს გზას გალაქტიონის კათარზისამდე. ეს ერთადერთი კათარზისი მისთვის მხოლოდ პოეზია და უნებურად გვაგონდება ანა ახმატოვას სტრიქონები: „ნეტავ იცოდეთ, რა ჭუჭყისგან იშვება ლექსი“...



დავუბრუნდეთ ისევ გალაქტიონის მიერ დახატულ ჭვარცმის კლასიკურ სიუჟეტს, რომელსაც თან ახლავს პროზაული ჩანაწერი: „ყურს გვიგდებენ მიცვალეზულინი დიდხანს. ძვირფას საფლავებს ერთვით ძილი, მაგრამ ჩვენ უნდა ალვადგინოთ მათი დიდება. ვიფიქროთ იმ ხალხზე, რომლებიც აშენებდნენ ამ კედლებს, ამ სამრეკლოებს; იმ ხალხზე, მე-19 საუკუნეში რომ დაასაფლავეს. მათზე, რომელიც ყოველთვის გაგახსენდება, როცა წამების ჭვარს დაინახავ. დაინახავ იმ მორწმუნეებს, რომელთაც თავი დასდეს, რომელიც მღვდელმსახურებას ასრულებდნენ თავიანთ სალოცავ ტაძარში და მითითოლვარე ხელით ანთებდნენ სანთლებს მშვენიერების წინ. ვიფიქროთ მათ ტანჯვაზე, მათ ცრემლებზე. ვიფიქროთ სასაფლაოზე, სადაც დამშვიდებით განისვენებენ განწირულნი, დავიწყებულნი...“

ჩემი სული იღვიძებს და მზად არის ისევ ანთოს დაფარული სიამაყის სანთლები“... მუდამ ახალი და მოულოდნელი გზით გამოგვეცხადება ჩვენ „სული შეშლილი და ბედნიერი“.

პოეზიით მინიჭებული „სიამაყის სანთლების“ გამო უზილავია მისეული წამებისა და ტანჯვის ლაბირინთები. „ყველა სთვის უცხო და ბნელ ქარაგმის“, მარადი წვალების გამოხატულებაა გალაქტიონის ჩანახატები, მისი აფორიაქებული სულის წუთიერი ნავთსაყუდელი.




გალაქციონის ჩანახატები




მეტი და მისივე სიტყვებით, მისი სიტყვით
 ყოველ ადამიანს უნდა ჰქონდეს
 თავისი აზრით სიტყვით მისი ხელი და მისი
 მისი სიტყვით მისი ხელი და მისი

მეტი და მისივე სიტყვებით, მისი სიტყვით
 ყოველ ადამიანს უნდა ჰქონდეს
 თავისი აზრით სიტყვით მისი ხელი და მისი
 მისი სიტყვით მისი ხელი და მისი



გალაკტიონის ჩანახატები



გრიგოლ რობაქიძე 1945 წლიდან ცხოვრობდა შვეიცარიის ქალაქ ჟენევაში. მას 16 წლის განმავლობაში კონტაქტები ჰქონდა დამყარებული პარიზული ქართველოლოგიურ ჟურნალ „ბედი ქართლისას“ რედაქციასთან, კალისტრატე და ნინო სალიები რომ ხელმძღვანელობდნენ. ჟენევიდან უგზავნიდა რედაქციას სტატიებსა და რეცენზიებს ქართული კულტურის საკითხებზე. მწერალს ნ. ფიროსმანაშვილის დაბადების 90 წლისთავთან დაკავშირებით აღნიშნული ჟურნალის 1953 წლის მეთხუთმეტე ნომერში დაუბეჭდავს სტატია, რომელშიც მალალ შეფასებას აძლევს მხატვარს. ვფიქრობთ ინტერესმოკლებული არ იქნება ქართველ მკითხველს ვაგაცნოთ გრიგოლ რობაქიძის ეს წერილი.

პუბლიკაცია მოამზადა სერგო თურნავამ.

მიწის საშო ევროპაში ამოიშრიტა. ყოველ შემთხვევაში, იგი დამწირების ხანაშია. „შვილი მოწყდა მამას“ და ნაყოფი უნაყოფოა. მის დასწრელებას თან სდევს მარტობა. უკანასკნელი და ევროპული ხასიათის მელანქოლია იფლობა. არ არის საკვირველი, თუ იქ დაიბადა მძაფრი წყურვილი პირველ ყოფისა ანუ პირველ მიწისა. რუსსო მოუწოდებს: „ბუნებასთან დაბრუნება“. ტოლსტოი მოუხმობს: „გაუბრალოება“. პირველი სანტიმენტალიზმის იერით, მეორე რაციონალიზმის შეფერვით. ორივე ერთსა და იმავეს ლაპარაკობს არსებითად: ანოყიერება პირველ მიწისაგან. აღსანიშნავია ერთი ფაქტი ახალი წარსულითგან. პოლ გოგენ მიდის ტაიტი და ველურთა შორის ეზიარება მიწის ხელუხლებ წიაღებს.

ევროპამ უკვე შეიტყო, რომ „ველური“ არ არის ცნება ეტნიური საფეხურის. ველური პირველ ყოვლისა ბავშვია და ბავშვთან ყოველთვის არის სიმართლე. ყოველს მის ნაკვეთს აზის ბეჭედი პირველადის. სწორის, მართლის. აქ არის „პირველი სიტყვა“, აქ არის გულის გახსნა უკანასკნელი. ამისათვისაა, რომ ველურის ქმნილი ასეთი ექსპრესიით მოქმედებს: როგორც დიდი ლოდი, როგორც ცოცხალი წყარო, როგორც რტოები ირმის რქებისა. უკვდავი ჰომეროს: მარადი ბავშვი და მარადი სასწაულმოქმედი ველურის მიერ ამოჭრილი შველი თუ მამმუტი — თევზის ძვალზე. აი პირველი ქმედითი აქტი. ცხადია ევროპის ხელოვნება მოწყურებული დაეწაფებოდა ამ ნიადაგის თაურებს. ამაში არ უნდა ვხედავდეთ უკან დახევას. აქ სრულიად სხვა ფენომენია: ნდომა უკანასკნელი გულახდილობის და მსოფლიოში შვილურად გადნობის: ბოლოს და ბოლოს სურვილი უკანასკნელი მთელობის. ასეთია პრიმიტივიზმის ხაზები. მის გაქანებას არქეოლოგიურ აღმოჩენებმაც შეუწყვეს ხელი, განსაკუთრებით კრიტოსის აღმოჩენებმა: კრიტოსის კულტურა, ევანსის აღმოჩენათა შემდეგ, შთავგონების უშრეტ წყაროდ გადაიქცა ევროპის ხელოვნებისთვის. განა გამოუთქმელი სიხარული არ იქნება იხილო თვალისმომჭრელი სამაჯური, რომელიც




სულაჰ ფიროსმანს და ბავშვს საქართველო

ვინ იცის ათას წლების უკან რომელიმე წარმართი მეფე ასულის თლილ მაჯას ამშვენებდა? კრიტოსის კულტურის ნაშთი, რასაკვირველია, არ არის ისეთი სისრულის, როგორიც პრაქსიტელის ჰერმეს, მაგალითად, მაგრამ მასში არის ბავშვის ხელი, უდარდელი და სწორი. ზეკაცურ არის მოქნეული. ეს კი ყველაფერია. კრიტოსის ვაზაში ჩასხმულია მატყვევებელი დენა ქმედითი ძალის. მის ხაზებში მოსჩანს ძველი ეგვიპტეცა და გარდასული ქალდეაც. თვითონ კრიტოსი გადარჩენილ ახალშენად იგულვება კატასტროფიულად დაღუპულ ატლანტიდის. ეს კიდევ უფრო ამახვილებს მის ჯადოსნობას.

ნიკო ფიროსმანი პრიმიტივისტია არა იმ აზრით, როგორც მაგალითად გოგენ. იგი თვითონ არის პრიმიტივი. მას არ გაუვლია რომელიმე სკოლა, საეჭვოა, რომ მას რაიმე

ტექნიკა გაეველოს ხატვის ან ხაზვის. იგი იყო უბრალო და ნათელი. მოუსმინეთ ერთ მესარდაფეს: „ნიკოლა იყო პატიოსანი კაცი მეტად, უბინო, ავადმყოფი, ღარიბი. ბევრჯერ მიჭმევია საწყალისათვის პური. კეთილი კაცი იყო. არავის ახსოვს მისგან წყენა. დადიოდა დაგლეჯილი, უყვარდა მეტად ლექსები (ილია ჭავჭავაძის და ვაჟაფშაველასი, სხვისი ცნობით, გრ. რობ.). საიდან იყო, დანამდვილებით ვერ ვიტყვით, დაახლოებით 50 წლის იქნებოდა. გუშინაც კი მომაგონდა: ნეტავი ჩვენი ნიკოლა ცოცხალი იყოს, ამ გამონგრეულ კედელს დამიხატავდა და იაფად გამომიყვანდა მეთქი. ბევრ არაყს სვამდა საწყალი. იტყოდა: მიყიდეთ საღებავები და ამა და ამ სურათს დაგიხატავთო. მართლაც დახატავდა და მოიტანდა.“

ამ უბრალო სიტყვებს არაფერი მიემა-



ტება, აქ მოცემულია მთელი ფიროსმანი: ნამდვილი ვიზიონერი, თვალთა სიზმრის დაქვერბა რომ სურს არაყით სავსე ჭიქასთან. მით უფრო საცნაურია მისი ფენომენი. ეგვიპტის უსახელო ფრესკი, აფრიკის რომელიმე კერპი, კრიტოსის ვაზა: ამ რიგში უნდა დაინახო ფიროსმანის ხატული.

მთავარი მოტივი ფიროსმანის არის ქართული „მიწა“. მე არ შემიძლია მეორე სახელი დავსახელო გარდა ვაჟა-ფშაველასი, რომელსაც ასეთი სიძლიერით ეგრძნოს მიწის „დედობა“. დღეობა, ღრეობა, ყურძნის კრეფა, ქათმები, ბავშვები, ცხოველები, კალო, — აქ არის მხატვარი ფიროსმანი. აქ არის მოცემული ნამდვილი ქართული ტემპერამენტი: ხალასი მზით დაფენილი. აქ მხოლოდ სიცოცხლეა ხალისით, გულახდით, ნადიმით. ფიროსმანი ქართული ყოფის ეპიური თვალთა. ამ თვალის მზერამ მოგვცა დიდი და შესანიშნავი ტილოები. „ყურძნის კრეფა“ სურნელოვანია საწნეხელის სურნელით.

მაინც აწუხებს. ქეიფი, როგორც ერთგვარი არტისტიზმი, დამახასიათებელია ამ უცნაური კასტის. ფიროსმანის კინტოების სერიები დაუფიწყარია თავის ექსპრესიით და უცნაური პროფილით. აქ ფიროსმანმა დიდი გავლენა იქონია ლადო გუდიაშვილზეც. ამ სერიებში მე მომწონს ყველაზე უფრო ფართოდ გაშლილი ქეიფი ხუთის თუ ექვსი კინტოსი. მეზურნეები, მედოლე, ბიჭს ხილი მიაქვს, გოგონას ყვავილები; მოხუცს ხელადა ღვინით სავსე, კინტოები ყანწებით ხელში, ბალახზე გაშლილ სუფრაზე მწვანელი, ყველი, თევზი. ყველა ეს მავარი კომპოზიციით არის გამართული. კიდევ უფრო გაქანებულია ტილო „ბელი დუხანა“. ლ. გუდიაშვილის ერთი სურათი თითქო ამ ტილოს ვარიაციაა. არ შემიძლია აქვე არ აღვნიშნო პატარა ქალაქელი ბიჭი. ამ ესკიზში თითქო მთელი რასიულობაა. ყარაჩოღელთა დადაღულ ქალაქს „მხიარული“ ქალებიც ახასიათებენ: ფიროსმანმა მოგვცა წყვილად ორთაჭალის გოგონები. საგუ-

ლხინს. მაგრამ „მოკლულ ნატურაში“ ფიროსმანი იძლევა უმძაფრეს სარტობას სრულებით ფენომენალურად. მისი „აღდგომის კრავი“ სხვადასხვა ვარიაციით. „საცოდაობა“ აქ იწვევს უზენაეს სიყვარულს. ამ სურათის ხილვის შემდეგ გეცოდება ყოველი და გიყვარს ყოველი. პირადად ჩემთვის, როგორც პოეტისათვის „აღდგომის კრავი“ სამუდამოდ დაუფიწყარი იქნება.

ფიროსმანს უყვარდა მეტად ცხოველები, აღსანიშნავია „ჟირაფი“: უცხო, მედიდური, სხვა გონებით სავსე თვალელები. „დათვი მთავარიან ღამეში“ უმაგალითო პეიზაჟია. დათვი შეჩერებული, წაქეცილი ხეზე, თითქოს უეცრად გაღვიძებული მთვარეული და ძარღვებში შეშინებული „ირემი“ — ორი ვარიანტი. განსაკუთრებით ერთი გადაჭრილი ხის გვერდით. საკვირველია აქ ეს დეტალი: ირემს გავა უნებლიეთ ოდნავ ჩამოჭრილი აქვს. კიდევ უფრო საგულლისხმო: ირემი თითქო ხისგან არის გამოჭრილი, მაგრამ ამავე დროს უმძაფრესი სიცოცხელითაა შეკუნთული ცხოველ არსებად. ეს „შეკუნთვა“ ისეთი ძალით არის მოძაბვული, რომ მთელი ირემი თითქო ხტომაა თვითონ. ფიროსმანს აქვს კიდევ მესამე ირემი, ხატულა: უჩვეულო სევდით ავსილი თვალებით. „ვირი დატვირთული“: შეშატვირთი — მავარი ტექნიკით არის დახატული. ვირის მზერა და საპასუხო ცქერა ბიჭისა — აქ ნატეხია მთელი ეპოსის. „აქლემში“, რომელიც სპარსელს მოჰყავს დატვირთული, საოცარია გახუნებული ფერი და სიდიდე აქლემის. „კრუხი და ბავშვი“: შესანიშნავია წიწილების სიცხოველი.

ფიროსმანი იცნობს ლანდშაფტებსაც. აღსანიშნავია ერთი შედევრი: ორი რიგით ხეები, ყურძნის მტევნებით დატვირთულნი. შუა გულში დიდი ჭური, უკან სახლი, იქით კი სინათლის ღელეები თითქო მომსკდარნი. ნათელი ფიროსმანი ამ სინათლეში ბოლომდე.

ასეთია ფიროსმანი „ველური“ და ბავშვი. მის პრიმიტივიზმი მოცემულია „უშუალობა“ — თითქმის აბსოლუტური. ეს არ არის ფრაზა. ეს ონტოლოგიურ ფუტად მეჩვენება. ფიროსმანის ქმნილი ნატეხია ბუნების, მასში, ასე ვთქვათ, ჩამოსხმულია თვითონ შთაგონება. იგი სხეულია, უკანასკნელის შთაგონებასა და მის სხეულყოფას შორის მანძილი არ არის. ასე ძლიერია მხატვრის შთაგონებულობა.

ფიროსმანის უკულტურობას და მის ტექნიკურ უხერხულობას თითქმის ვეღარ ამჩნევ: ხედავ მხოლოდ რომელიც უმაღლეს სიმაართეს. ფიროსმანის ნახატები ბუნებურობის ფაქტებია: წყაროს თვალი თუ ირმის ჩლიქი.

ქეშმარიტად გენიალური ბარბაროსია იგი — ბავშვის ქალწულური სულით. ორი სიტყვა ფიროსმანის საღებავებზე. იგი უმეტეს ნაწილს მუშაობაზე ხატავდა. აქედან თავისებური ფიროსმანური აფერვა (მხატვარ შევარდნაძის მართალი შენიშვნით). შესაძლოა: აქ უნდა ვეძიოთ ფიროსმანის სიყვარული ჭაობის ფერებისა. უცნაურია თითონ ხვედრი მხატვრისა: თითქოს კი არ მოკვდა, არამედ დაიკარგა. თითქო იმისათვის, რომ მისი ხატული „უსახელოდ“ დარჩენილიყო როგორც ნაშთი დიდის პრიმიტივისა. ხედავ ფიროსმანს და გჭირა საქართველო.



აქ ყველაფერია: კრეფა, წურვა, ლხინი. სურათს ამთავრებს ბავშვი დათვის ბელით. უკანასკნელი ხაზი კიდევ უფრო ამძაფრებს ნახატს. ამავე რკალს ეკუთვნის მისი „ქორწილი კახეთში“. კიდევ უფრო შესანიშნავია მესამე დიდი ტილო „ღრეობა“. კომპოზიციის მხრით ეს სურათი თითქმის ყველა მის სურათზე უმძლავრესია და ურთულესი. ურმებით მოსვლა, ციხე ეკლესია, ქეიფი, ყველაფერი ერთი რკალით არის მოშვილდული. მინდა კიდევ აღვნიშნო მისი ტილო „დიდი მარხვა“. საგულისხმოა, რომ მხატვარს ლოცვა ბუნების შუაგულში აქვს გადატანილი. ლოცვა გაშლილ ჰაერში მოწმობს ფიროსმანის ერთგულებას მიწის მიმართ. აღსანიშნავია ორი პატარა ბავშვი: ერთი ხელბაპყრობილი და მეორე პირქვედამხობილი. მლოცველთა ჯგუფში ამ პატარა დეტალს შეაქვს მძაფრი ექსტაზი. შედევრია უცილო. ხოლო ფიროსმანი „ქალაქელიც“ არის ამ სიტყვის როგორც საერთო, ისე ტფილისური მნიშვნელობით. ვიზიონერსა და განმარტოებულს და არაყის მსმელს „სამიკიტნო“ უყვარდა. აქ ნახა მან ტფილისის პოემა კინტოს ღვინაში. რასსიული სხვადასხვა ხაზია კოლორიტიან ყარაჩოღელში. აღბადა ეს თუ „აწვალებს“ მას. თითქო უღარდელია, მაგრამ რალაც

ლისხმოა მეტად, რომ ნათელი ფიროსმანი ამ ცოდვის შვილებს უცოდველ ყვავილებთან აწვენს და მხარზე უბიწო მტრედებს დააფრენს. ქალაქის ტიპია აგრეთვე „მეზოვკ“: ოდნავ გამწყარალ სახეზე მოსჩანს მგველის თავისებური სპლინი. სურათი მართვია უაღრესად და მძაფრად მეტყველი. კინტოების ქეიფი მოლზე გაშლილ სუფრაზე უფრო იხატება ხილში და მწვანეში. შესაძლოა ამ ფაქტმა წარმოშვა ფიროსმანის „ნატურმორტები“ ერთს რკალში: ხელადა, ტიკტორა, ყანწი, ბოთლი, კიტრი, ყველი, მწვანელი, ჭიქა, მწვადი, ხილი, თევზი. ნატურმორტებში სჩანს ფიროსმანის უდიდესი ტექნიკური მიღწევა. ერთი მათგანი (საკუთრება მხატვარ კირილ ზდანევიჩის) ფორმალური სისრულის მხრივ არ ჩამოუვარდება არცერთს ნატურმორტს თვითონ სეზანისა. მაგრამ, რაც უფრო საგულისხმოა, ფიროსმანს აქვს არა მარტო „მკედარი ნატურა“, არამედ „მოკლული ნატურაც“. აქ არის ნიუნსი, ფიროსმანი იძლევა რალაც ახალს. ნატურმორტებს საერთოდ ახასიათებს სიკვდილის სურნელი. ფიროსმანის ნატურმორტები სუფრათა მხოლოდ, რომელიც მოელის მოქეიფეთ, თუმცა ის სევდა აქაც არის, რომელიც უჩინრად ეჭრება ხოლმე ყოველ

* * *

მოქალაქენო! მე მაგონდება ის ბედნიერი სანეტარო ღამე, რომელიც ჩვენ გავათენეთ 17 აპრილს შეტევის წინ. სწორედ იმ ღამეს, როდესაც გადაწყვეტილი იყო ჩვენი შეტევა დენიკინის შავ ჯარების წინააღმდეგ. ჩვენ მოვიწვიეთ ყველა ჩვენი სარღლები, ერთ პატარა ცივ ოთახში დავიბარეთ ჩვენი მოწინავე ამხანაგები, მეომარნი, და მოკლედ უთხარი: დღეს წყდება ჩვენი ხალხის, ჩვენი ქვეყნის და დემოკრატიის ბედ-იღბალი. დღეს შეტევაზე გადავდივართ. და უნდა იცოდეთ, ამხანაგებო, რომ დასახევი გზა თქვენ არა გაქვთ, ან უნდა გაიმარჯვოთ, ან უნდა დაიხოცოთ.

ამხანაგები სერიოზულად გვისმენდნენ და შემდეგ ყველას ღიმილი დაეტყო სახეზე. ერთმა სთქვა: — „დღეს ჩვენ გვითენდება აღდგომა“. და მართლაც, როდესაც ჩვენი ჯარი გადავიდა შეტევაზე, აღფრთოვანებულნი ვიყავით, სახელი გამარჯვებულებისა ადვილად ვპოვეთ, და თითქმის არაფერს დაგვიკარგავს.

და მე მწამს, ამაში ვარ დარწმუნებული ღრმად, რომ თუ მომავალშიაც ის სიტყვები, რომელიც აქ წარმოითქვა ერთის მხრივ, და მეორეს მხრივაც, — „ან სიკვდილი. ან გამარჯვება“ — დარჩება არა სიტყვად, არამედ თვითელი ჩვენგანი ამას შეიგნებს და სავსებით იგრძნობს, მაშინ, რასაკვირველია, დენიკინის ჯარები მიუხედავად თავის სიშავისა და სიძლიერისა, ჩვენ ვერ დაგვამარცხებენ.

მაგრამ აქვე მინდა ვსთქვა, რომ ნურავინ ნუ იფიქრებს, რომ მართლაც დენიკინის ძალა ისეთი სუსტია, რომ მისი აბუჩად აგდება ჩვენს დემოკრატიას შეუძლიან. ნურავინ იტყვის, რომ ის არის ერთი ზროვა გზა დაკარგულ ოფიცრებისა, ზროვა რუსეთის რეაქციონერებისა, რომელიც მაშინვე გაიფანტება, თუ ჩვენ მოვდგართ დაუხვდებით მას. არა, მოქალაქენო, ბრძოლა, როდესაც ის დაიწყება, და ბრძოლა უკვე დაწყებული არის, იქნება მეტად სასტიკი, სისხლიანი, და მეტად ძნელი. და ეს ჩვენ ყველამ უნდა ვიცოდეთ და გვახსოვდეს. ამას ვამბობ მე დღეს, როდესაც ფრონტზე მივეგზავრები. და უნდა გითხრა, რომ ჩვენ ვინც ფრონტზე ვდგევართ, ამ ძალას მეტად სერიოზულად ვუყურებთ. და გვინდა მთელი საზოგადოება, მთელი ჩვენი ხალხი, ჩვენი დემოკრატია ამ ძალას სერიოზულად უყურებდეს. ამით მე, რასაკვირველია, არ ვამბობ, რომ ეს ძალა იმდენად სერიოზულია, რომ ჩვენ ვერ შევებრძოლებით. არა, ამ ძალას, მიუხედავად მისი სიძლიერისა, ჩვენ შევებრძოლებით და კიდევაც დავამარცხებთ (ტაში). ამაში ღრმად დარწმუნებული ვარ, და არა იმიტომ ვლაპარაკობ ამას, რომ მაგარი სიტყვები ვსთქვა, არამედ იმიტომ, რომ ეს არის ჩემი ღრმა რწმენა, მაგრამ ჩვენი მდგომარეობა ეხლა ისეთია, რომ არც ზედმეტი პესიმიზმი, არც ზედმეტი ოპტიმიზმი ჩვენში არ უნდა იყოს გამეფებული. ჩვენ სერიოზულად, მეტად დინჯად უნდა შევხედოთ ჩვენ მდგომარეობას. და რაკი ესე შევხედავთ, რაკი გავეცნობით მას, ჩვენ უნდა ვიგრძნოთ კიდევ ერთი შეგნება საკმარისი არ არის, აქ უნდა იყოს გრძნობა, გრძნობა რომელიც წარმოშობს აღფრთოვანებას, და ჩვენ ძალთა გაერთიანებას. და ეს გაერთიანება და აღფრთოვანება, უძლიერესი გამარჯვება იქნება.

მაგრამ, თქვენ, მე მგონია, გაინტერესებთ ჩვენი ფრონტის მდგომარეობა, და

სიტყვა ნარკოტიკული დამოუკიდებელი საქართველოს დაფუძნებელი კრების სხდომაზე 1919 წლის 1 ივნისს

ამ ბოლო წლებში ბევრმა დიდმნიშვნელოვანმა დოკუმენტმა იხილა მზის სინათლე. არქივებიდან ამოვიდა მასალები, რომლებიც სწორ წარმოდგენას გვიქმნიან ჩვენს გუშინდელ დღეზე.

ყველაფერს რომ თავი დავანებოთ, ჩვენთვის, ქართველი ხალხისათვის, მარტო ამ თვალსაზრისითაც მეტად საინტერესოა და დამაფიქრებელი ეროვნული გვარდის მეთაურის ვალერიან ჯუღელის სიტყვა. წარმოთქმული 1919 წლის 1 ივნისს. დამოუკიდებელი საქართველოს დამფუძნებელი კრების სხდომაზე.

... პირველი მსოფლიო ომისგან დანგრეული სახალხო მეურნეობა. დამოუკიდებელი საქართველო თავისი ეროვნული აღორძინებისათვის იბრძვის. საქართველოს მხედრონი ქვეყანას იცავს დენიკინის მოხალისეთა ურდოებისაგან. დენიკინის გეგმა ბათუმ-ბაქო იგდოს ხელთ და შემდეგ რუსეთის შუაგულისაკენ გაიქრას. 1919 წლის 17 აპრილს დამოუკიდებელი საქართველოს ეროვნულმა გვარდიამ გაგრიდან უუთქვია ეს მოძალადე ჯარი და ჩვენს სამშობლოს შეუნარჩუნა თავისი მიწა-წყალი. თუმცა, სხვადასხვა მიზეზის გამო, ვერ განთავისუფლა ქალაქი სოჭი.

აი, ამ დროს წარმოითქვა ეს სიტყვა, რომელიც ქვემოთ იბეჭდება.

სიტყვა მოიძია, შენიშვნები დაურთო და დასაბეჭდად მოამზადა პაპაძე დიმიტრმა.

რადგანაც ამ ფრონტის ირგვლივ, და ჩვენ შეტევის გამო საზოგადოებაში ერთგვარი აზრთა ტრიალი არის, მე მინდა თქვენ გითხრა, რა პირობებში გადავდით ჩვენ შეტევაზე და რა საერთო მდგომარეობა არის ჩვენს ფრონტზე.

თქვენ იცით, რომ სოჭში ქურდულად დამარცხებულს ჩვენს ჯარს, როდესაც ის, მოტყვილებით და ვერაფრულად დენიკინის გენერლებმა ხელში ჩაიგდეს, დროზე დახმარება ვერ გაუწიეთ, რადგანაც ჩვენ ბუნებამაც ხელი შეგვიშალა, დროზე ვერ გადავისროლეთ იმდენი ძალა, რომ გავრისოლქი მაშინვე დაგვეკავებინა. მხოლოდ მის შემდეგ გადავდით, როდესაც დენიკინის ჯარს, არა მარტო მდინარე ზიზის მარჯვენა ნაპირი ეკავა, უკვე გამამაცებული იყო, და გადმოსული მარცხენა ნაპირს, აი სწორედ იმ დროს ჩავდით ჩვენ,

და უპირველეს ყოვლისა, რასაკვირველია, შევეცადეთ ამ მარცხენა ნაპირის გაწმენდას და მის დაჭერას. ეს ძალიან ადვილად მოვახერხეთ, და რადგანაც ჩვენ გამარჯვებული ვიყავით, ჩვენ ძალებში დარწმუნებულნი ვაპირებდით მარჯვენა მხარეზე გადასვლას. ამ დროს ჩამოვიდა ინგლისის გენერალი უაიტი, და მან გვითხრა: „დადებით თქვენ ალაგას. მე ვარ გამოგზავნილი თქვენ მოსარიგებლად, და ჩემის საშუალებით თქვენ განახორციელებთ თქვენს მიზანს“. ჩვენც დაუჯერეთ მის სიტყვას, და რამდენიმე კვირა უტყადეთ. მის შემდეგ უაიტი გამოკვალეს და მის ადგილას დაიწმინეს პოლკოვნიკი ფაიმი. პოლკოვნიკი გვეუბნებოდა, რომ „მე ვარ უბრალო სალდათი, მე ვასრულებ ჩემი უფროსების ბრძანებას — ეს ბრძანება ის არის, მე ბრძოლა არ დაუშვა არც ერთის მხრივ,



არც მეორეს მხრიდან, და ჩვენ მშვიდობიანად გადაწყვეტთ ამ საღაო საკითხსაო. ჩვენი მთავრობაც ამას გვეუბნებოდა. და ჩვენ მშვიდობიანობის მოლოდინში ვიდევით ორი თვე. და ამ ორი თვის განმავლობაში გენერალ დენიკინმა არ მოისურვა დაეცალა საზღვრები. გადიოდა დრო, ჩვენ თანდათან ვაგროვებდით ძალებს. დენიკინიც აგროვებდა თავის ძალებს და მდგომარეობა გამოურყვეველი იყო. ბოლოს და ბოლოს, აშკარად შეიქმნა ჩვენთვის, რომ თავის ჩარევით მესამე ძალა ვერ მოგვარებდა. ამ მესამე ძალას, ნებით, თუ უნებლოდ უნდა დენიკინის ფრონტის გაძლიერება და დროებით ჩვენი შეტევის შეჩერებით დენიკინის ფრონტის გამაგრება. და რადგანაც ასეთი მდგომარეობა ბოლოს და ბოლოს გვასუსტებდა ჩვენ და ამაგრებდა დენიკინს, და რადგანაც აშკარა იყო ჩვენთვის, რომ დენიკინს ეჭირა ჩვენი რევოლუციონური ტერიტორიის ნაწილი — ჩვენ ერთ ადგილას დადგომა აღარ შეგვეძლო, და ჩვენ შევეკითხეთ მთავრობას, რათა ნება მოეცა გადავსულიყავით შეტევაზე.

ამ დროს ჩვენი მთავრობაც დარწმუნდა, რომ მესამე ძალას აღარ შეუძლიან დენიკინის განდევნა, რომ დენიკინი, მიუხედავად იმისა, რომ კატეგორიული ბრძანება ჰქონდა ინგლისელებისა, — თავის ნებით მაინც უკან არ წავიდოდა. და ჩვენ გადავედით ამ შეტევაზე.

გარდა ყველა დადებითი თვისებისა, რომელიც ჰქონდა ამ შეტევას, ერთი დიდი დადებითი თვისება ჰქონდა მას შემდეგი: დაახლოებით, დანადგოვებით, შეტევაში, ბრძოლაში გავეცანით დენიკინის ძალებს. ჩვენს წინააღმდეგ მაშინ იდგა ოფიცერთა პოლკი და კიდევ სხვა, თავის ზარბაზნებით და პულემიოტებით. და მართალი ვითხრათ, თუმცა ხალისით გადავდიოდით შეტევაზე, მაინც თვითული ჩვენგანი ფიქრობდა, — აი სწორედ ესაა ჩვენ გვაქვს საქმე გამოცდილ ჯართან, რომელსაც სათავეში უდგა საუკეთესო გენერლები, და ამიტომ თვითული ჩვენგანი, თუმცა საბოლოო გამარჯვებაში დარწმუნებული იყო, მაგრამ მაინც გვჯეროდა, რომ ამ შეტევაში და ბრძოლაში ბევრი ჩვენგანი განუტევედა სულს. და ჩვენ დიდის მზადებით, და სიფრთხილით გადავედით ამ შეტევაზე. მაგრამ აქ, მე სიხარულით და საბედნიეროდ უნდა აღვნიშნო, რომ თუ ჩვენ აქამდის გვექონდა ბრძოლა რომელიმე ბანდებთან, საიდანაც უნდა შემოგვესოდენ ისინი, ყველაზე უფრო დიდი ძლიერი ბანდი ყოფილა დენიკინის ბანდა. მიუხედავად იმისა, რომ მას ჰყავს უმთავრესად ოფიცრობა, რომ მას ყავს ოფიცერთა პოლკი. და ეს პოლკები არიან მოუწყვსრიგებულნი, ისინი არ არიან გამსჭვალულნი საერთო შრომის იდეით და ისინი ვერ უმარტობიან აშკარა შეტევას, და ამიტომ ძალიან ადვილად მარცხდებიან.

ამით მე იმის თქმა კი არ მინდა, რომ დენიკინს საკმაო ძალა ჰყავს, მაგრამ მე იმას ვამბობ, რომ დენიკინის ძალა არ არის ჩვენთვის საშიში მაშინაც კი, როდესაც ორ და სამჯერ ჩვენზე მეტს ძალას წამოაყენებს; რადგან იმას შეუძლიან რასაკვირველია ჩვენზე მეტი ძალა წამოაყენოს, მაგრამ ხარისხით, აღფრთოვანებით, ბრძო-

ლის სურვილით, ჩვენი ძალა ბევრად უფრო ძლიერი იქნება. ამაში ჩვენ სწორედ დარწმუნდით 17 აპრილს, როდესაც ჩვენ ისე ადვილად გავიმარჯვეთ. და როდესაც ბრძოლის დროს მრავალი ჯარისკაცი და, მე ვიტყვი, მრავალი ოფიცერი სიხარულით გადმოდიოდა ჩვენს მხარეზე, როდესაც ჩვენ შეტევა დავიწყეთ და გადავდიოდით ხილზე, აი სწორედ მაშინ მოვიდა ჩვენთან ინგლისელი კაპიტანი ნორმანი და იმან გვითხრა, „აქ არის ორი დენიკინის ოფიცერი, რომელნიც დარაჯობენ ამ ხილს, და ამ ოფიცრებს უნდათ თქვენ მხარეზე გადმოსვლა“. თქვენ წარმოიდგინეთ რა შთაბეჭდილება მოახდინა ამან. ინგლისის ოფიცრობა აშკარად ხედავდა ჩვენ ბრძოლას და მე თამამად ვამბობ, აშკარად დარწმუნებულია, რომელ მხარეზე არის ბანდები. რომელი მხარე იცავს ანარქიას და რომელი მხარე იცავს წესიერებას. და იქ ისიც უნდა ვსთქვა, რომ სწორედ ამ შეტევაში, ამ ბრძოლაში, ამ ფრონტზე ჩვენმა ჯარმა დიდი გამოცდილება მიიღო. იმ დროს, როდესაც არავინ მოელოდა, რომ ჩვენი ჯარი გადავიდოდა მდინარე ბზიბზე, რადგანაც ხიდი გახსნილი იყო და ყველა დარწმუნებული იყო, რომ მართო ხიდის საშუალებით შეიძლება გადასვლა მეორე მხარეზე, — ჩვენი გვარდია გადავიდა 20 ადგილას, — ზოგიერთი ცურვით, ზოგიერთი ნავით, ზოგიერთი მავთულით (ტაში). და სწორედ მაშინ, როდესაც გენერალი ბრიგისი ჩვენ მთავრობასთან მოლაპარაკების დროს ამბობს, რომ ჩვენ უდიერად ვეპყრობით დენიკინის ტყვეებს, რომ ისინი მეტად მძიმე მდგომარეობაში იმყოფებიან, — მე მოვითხოვ, რომ ინგლისის წარმომადგენელი თითონ წამოვიდეს ადგილას და დაეკითხოს იმ ტყვეებს — რამდენი მათგანი მოისურვებს დენიკინთან დაბრუნებას. მე ვამბობ, რომ ჩვენ 400-500 ტყვეებისგან, რომელნიც ჯარის კაცებისგან შესდგებიან, დენიკინს მართო 20-40 თუ დაუბრუნდა, ორმოცი ოფიცრებისგან, რომელნიც ტყვედ გვყავნან 34 თხოვნა შემოიტანა ჩვენს სახელზე, — თუ იქნება ჩვენი დენიკინთან გაგზავნა — არასგზით არ გაგვგზავნოთ მასთანო.

ასეთია ჩვენი მდგომარეობა. და მე ვამბობ, ეს ოფიცრები და ეს ჯარის კაცები, რომელნიც ჩვენ ტყვედ გვყავნან, არიან კარგ მდგომარეობაში, რამდენადაც ჩვენ შეგვეძლო შეგვექმნა და, რასაკვირველია, ბევრად უფრო კარგ მდგომარეობაში, ვიდრე ჩვენი ტყვეები დენიკინის ხელში. და უმეტეს ნაწილად სრულიად არ არიან მოტრფილენი, რომ კვლავ დენიკინს დაუბრუნდნენ, და თუ ინგლისის წარმომადგენლებს მართლა სიმართლე აინტერესებთ, — მოვიდენ და გააჩიონ ადგილობრივ ეს მდგომარეობა. მაგრამ, იცით, როდესაც ჩვენ ავიდეთ გარა და როდესაც დენიკინმა დაგვიტოვა საშინელი მემკვიდრეობა 400 ტიფით ავადმყოფი კაცი, ჩვენ ვთხოვეთ ინგლისის ერთ ოფიცერს, პოლკოვნიკს: — მობრძანდით ჩვენთან ერთად და დაათვალიერეთ მათი საავადმყოფო, რომელიც საშინელ ჯოჯოხეთის მდგომარეობაში იყო. ინგლისის პოლკოვნიკმა გვითხრა: „მე ძალიან გულჩვილი აღმიძინა ვარ, ვიცი რა საშინელ მდგომარეობაში არის მათი საავადმყოფო, და ვერ წამოვალ“. მართ-

ლაც მათი საავადმყოფო ისეთ მდგომარეობაში იყო, რომ ჩვენ ისედაც ვაძვირებდით, გაჭირვებულთ, დიდი ფულის დახარჯვა დაგვიკრდა, რომ ეს საცოდავი ჩაგვეყენებინა შესაფერ პირობებში, და დღეს ისინი მართლაც რიგიან პირობებში არიან ჩაყენებულნი.

აი ასე ვიბრძვით ჩვენ, ასე იბრძვის ჩვენი დემოკრატია და ჩვენ ვამბობთ, — ის დემოკრატია, რომელიც ასე იბრძვის, რომელიც დამარცხებულ მტერს ასე ეპყრობა, ყოველთვის გამარჯვებული იქნება.

ახლა მე მინდა გავხადდე უფრო პროზაულ და ჩვეულებრივ საგანზე. თუ მართლა ეს პროზა არ იქნება სავსებით შეთვისებული, თუ ეს პროზა ჩვენ არ შევექნით ჩვენს ცხოვრებაში, — არავითარი გამარჯვება არ იქნება ჩვენ ფრონტზე, თუ ჩვენ 10.000-20.000 კაცს გადავისვრით ჩვენ ფრონტზე და მერე ფრონტი მიგვაფიწყდება, მაშინ, რასაკვირველია, ეს 10.000 კაცი გაწყდება და ჩვენ გამარჯვებას ვერ მოვიპოვებთ.

მე უკვირდები ჩვენს საზოგადოებას და სამწუხაროდ უნდა ვსთქვა, რომ ჩვენ საზოგადოებაში ჯერ-ჯერობით არ არის ის აღფრთოვანება, ის ერთსულოვნება, რომელიც უნდა ამაგრებდეს ჩვენს ფრონტს. ჩვენმა საზოგადოებამ თითქოს არც იცის ის საშინელი საფრთხე, რომელიც ჩვენ ქვეყანას, ჩვენ დამოკრატიას მოეღის; საზოგადოებამ არ იცის რა საშინელი ღრუბელი დააწვა ჩვენს ქვეყანას, არ იცის, რომ ეს ღრუბელი ჩვენს ქვეყანას, მე ვიტყვი, თქვენი სიტყვით, „მთელ ჩვენ ერს“ განადგურებას უქადის. საზოგადოებამ ეს არ იცის, საზოგადოებამ უნდა იგრძნოს ეს და როდესაც იგრძნობს, — უნდა მიიღოს ზომები, რომ მთავრობას დაეხმაროს ხალხის გამარჯვების საქმის ორგანიზაციაში.

მე მახსოვს ჩვენი ქალები, არა ის დედები, ჩვენი ქართველი ძველი დედები, რომელნიც დღეს თავის ანდერძით შველიან, არა, — ჩვენი ქართველი ქალები რუსეთის რეაქციის დროს: მაშინ კომიტეტებს, საზოგადოებებს აარსებდნენ, ამზადებდნენ სხვა და სხვა ნივთებს და ფრონტს უყურებდნენ. და ნუთუ მაშინ იმითმ იყო ჩვენი საზოგადოება დაინტერესებული, რომ ვარანცოვ-დაშოკვებს, ან სხვა ვინმე დიდ რუსს ასიამოვნებდნენ? არა, სწორედ ესაა, როდესაც ჩვენი ქალები, ჩვენი დედები სავსებით შეიგნებენ ჩვენი ქვეყნის საშინელ მდგომარეობას, მაშინ ისინი დიდის ენერგიით დაუკვირდებიან ფრონტს და შექმნიან იმ სიტბოს, რომლითაც სულდგმულობს ფრონტი. ბოლოს და ბოლოს მიუხედავად იმისა, რომ სასტიკ ბრძოლას აწარმოებს ფრონტი, ის მაინც დიდი ბავშვი არის, მას ადვილად ეწყინება პატარა რამ, და პატარა რამ გაახარებს. მაგალითად, როდესაც აღდგომა დღეს ჩვენ არავითარი საჩუქარი არ მოგვივიდა, ჩვენი გვარდიელები, როგორც დიდი ბავშვები, ძალიან დაღონებულნი იყვნენ. რასაკვირველია იმას კი არა აქვს მნიშვნელობა, რომ მოგვივიდა წითელი კვერცი ან პასკის ნაჭერი, მაგრამ აქვს მნიშვნელობა იმას, რომ იმით იქნება გამბული ერთგვარი ძაფი ფრონტსა და საზოგადოებას შორის. მე მჯერა, რომ მომავალში ეს ერთგვარი სისუსტე ჩვენი საზოგადოებისა სრულიად მოისპობა. და



მთელი ჩვენი საზოგადოება დადგება ფეხზე და გაამაგრებს და გააცოცხლებს თავის სიტბოს.

გუშინ თბილისის დეპუტატთა მუშათა საბჭოს აღმასრულებელ კომიტეტმა ერთი მილიონი მანეთი გადასდო თავდაცვის ფონდის შესაქმნელად (ტაში). აი სწორედ ეს ნაბიჯი ამტკიცებს, რომ მდგომარეობა სერიოზული არის, რომ მთელი ჩვენი ძალები უნდა დაფარავთ. თუ ეს თანხა პირველად გამოიღო სწორედ იმ ორგანიზაციამ, რომელიც თავიდანვე ემსახურება ჩვენი ქვეყნის და ჩვენი დემოკრატიის ბედნიერებას და სიძლიერეს. ეხლა შემდეგი სიტყვა ეკუთვნის საზოგადოების სხვა წრეებს, და მე დარწმუნებული ვარ, რომ ის მილიონი მალე მრავალ მილიონად გაიზრდება, და თქვენ იცით, რა მნიშვნელობა აქვს ფულს ომის დროს.

აქ ერთმა ამხანაგმა სთქვა, რომ ერთ-სულოვნებისა და სიძლიერის შესაქმნელად საჭიროა სამი რამე: ერთი — გამოვიღოთ ჩვენი ქონება, ვისთვისაც ეს შესაძლებელია, მეორე — ჩვენი შრომა, და მესამე — უნდა ავამოძრაოთ ჩვენი შეიარაღებული მკლავი. და თუ ყველა ამას შევძლებთ. თუ საზოგადოების და ფრონტის შორის ძაფი გაიბმება ქვეყნის თავდაცვისათვის. მაშინ რასაკვირველია, ვერავითარი დენიკინი ჩვენ ვერ დაგვამარცხებს.

აქ უნდა გითხრათ შემდეგი: თქვენ იცით, რომ ჩვენი საზოგადოება შესდგება ბოლოს და ბოლოს მუშების, გლეხების, ბურჟუაზიის და თავად-აზნაურობისაგან. თქვენ იცით, რომ თავად-აზნაურობის თავყანისმცემელი მე არასოდეს არა ვყოფილვარ. მაგრამ ამასთანავე მე თამამად და სიხარულით ვამბობ, ჩვენმა თავად-აზნაურობამ გამოჰყო ისეთი წრეები მებრძოლთა, რომელიც შესანიშნავად იცავენ ქვეყანას. თქვენ იცით, რომ დენიკინის წინააღმდეგ სდგანან ბევრი ჩვენი ოფიცრები, რომელნიც, ძველი სიტყვით რომ ვსთქვათ, საუკეთესო ჩვენ გვარებისაგან არიან გამოსულნი. მე დღეს არ ვიცი, რომელი უფრო მეტი სიყოჩაღით, მეტის თავდადებით იბრძვის: ის ოფიცერი — თავადიშვილი, 4-ჯერ რომ იყო დაჭრილი და ფრონტს არ შორდებოდა, თუ მეორე — მუშა, რომელიც ტყვიით დაჭრილია და მის გვერდით რჩება. აი ბატონებო, მე ვამბობ, თუ ასეთი ერთსულოვნება იქნება და ყველა საზოგადოება გამოყოფს მებრძოლებს, — მტერმა ძალიანაც რომ მოინდომოს, რასაკვირველია, ჩვენ ვერ დაგვამარცხებს.

მაგრამ, აქვე უნდა ვსთქვა, ჩვენში არის ერთი წრე, ჩვენი საზოგადოებისა, რომელიც ყველაზე უფრო კარგად გრძობს თავს, მაგრამ ყველაზე უფრო ნაკლებ მონაწილეობას იღებს ქვეყნის დაცვაში.

თქვენ იცით, რომ თავად-აზნაურობას ჩვენ ჩამოვართვით წოდება, თავად-აზნაურობას ჩვენ ჩამოვართვით მიწები, მაგრამ მაინც ზოგიერთი საუკეთესო შვილები თავად-აზნაურობისა ხალხთან ერთად თავისუფლებას იცავენ. მხოლოდ არის ერთი წრე, წრე, რომელსაც საერთოდ ბურჟუაზია ჰქვია და აი ბურჟუაზი ყველაზედ

მეტი ჰპოვა ამ რევოლუციაში. მაგრამ ბურჟუაზიას არავითარი მონაწილეობა არ მიუღია ქვეყნის და ხალხის დაცვაში. აი ამიტომ, ჩვენი მთავრობის და დემოკრატიის ვალი არის, რომ ეს გამდიდრებული ბურჟუაზიაც მოიყვანოს ქვეყნის, ხალხის და დემოკრატიის საკუთრებეველზე და გამოიღოს ის, რისი გამოღებაც მას შეუძლიან. ეს არის ფული, და ჩვენ გვწამს, რომ ამ მოკლე დროს მთავრობა შემოიტანს შეიარაღებულ კანონ-პროექტს, და დამფუძნებელი კრება ამ კანონ-პროექტს მიიღებს. და თუ ეს ასე მოხდა, თუ ეს ასე იქმნა, მაშინ მე მწამს, რომ ვერავითარი გარეშე ძალა, ვერავითარი რეაქციონური ძალა ჩვენ ვერ დაგვამარცხებს.

მე ერთხელ კიდევ მინდა მივაქციო ჩვენი მთავრობის ყურადღება ერთ რამეზე. ჩვენ ვიცით, რომ როდესაც ჩვენ ვდგევართ დენიკინის წინააღმდეგ, ჩვენ ვიცით, რომ ბოლოს და ბოლოს ჩვენ საქმე გვაქვს შეიარაღებულ რეაქციასთან, ჩვენ ვიცით, რომ დენიკინი თავის ძალის მობილიზაციას არასოდეს არ ახდენს, მას თავისი ჯარი მუდამ იარაღში ჰყავს, და მისთვის სულ ერთია, — სად გააჩერებს თავის ჯარს: — ტიბორეცკოში, ეკატერინოდარში, თუ სოჭის ოლქში. ამ მხრივ ის სრულიად სიმძიმეს არ გრძობს, რადგანაც ეს შეიარაღებული ძალა მას მუდამ ფეხზე ჰყავს. ჩვენ ქვეყანას ბრძოლის უნარი აქვს.

მაგრამ ჩვენი ქვეყანა, მიუხედავად იმისა, რომ მას ბრძოლის უნარი აქვს, მაინც ბრძოლას არ ეტრფის, არ უნდა ბრძოლა და სანამ ამ ბრძოლას ჩვენ თავზე არ მოგვახვევენ, ჩვენ იმას ხელს არ ვკიდებთ. და აი სწორედ ჩვენ გვინდა შევქმნათ ისეთი დრო, რომ ეს იარაღი თავისუფლად ხელიდან გავადლოთ. მაგრამ ამის საშუალებას არ გვაძლევენ. და თუ ასეთი მდგომარეობა დიდხანს გაგრძელდება, ძალიან შეგვაუსტებს როდესაც მრავალი ათასი შეიარაღებული ხალხის საუკეთესო შვილები ჩვენ ფრონტზე გვეყოლება. ამიტომ ეს საკითხი, დენიკინის საკითხი, რაც შეიძლება კატეგორიულად, რაც შეიძლება ადრე უნდა გადაწყდეს.

ისეთი რყევის პოლიტიკა, რომელსაც ძალაუბრებურად ვაწარმოებდით, როდესაც გარეშე ძალა ჩვენ ხელს გვიშლის, ასეთ რყევის პოლიტიკას თანდათანობით თავიდან უნდა ავკლდეთ, თორემ მოხდება ის, რომ დენიკინი თანდათან, ნაწილ-ნაწილ დაიპყრობს, დაიქვემდებარებს იმ ძალებს, რომელნიც ჩვენ ირგვლივ არიან. იმან თითქმის სავსებით დაიკავა მთიულეთი. ეხლა ის ვადადის ადერბეიჯანში და თუ ჩვენ მივეციტო მას უფლება გადავიდეს ადერბეიჯანში, რასაკვირველია, მაშინ ჩვენი ძალები ძალიან შესუსტდებიან. ამიტომ, მე მგონია, მთავრობამ კატეგორიულად უნდა დასვას საკითხი, თუ დღეის შემდეგ დენიკინის ჯარმა ერთი ნაბიჯი კიდევ წინ წასდგა, ან ადერბეიჯანისაკენ ან მთიულეთისაკენ, ეს იქნება ჩვენთვის ომის გამოცხადება. და თუ ამ გზას დავადგებით, მე მგონია, ან შევარჩევთ წინსვლას, ან-და დავატრიალებთ იმ ომს, რომელშიაც ჩვენი ყოფნა-არყოფნის საკითხი გადაწყდება. თორემ ეხლა შეიძლება ასეთი პოლიტიკის წარმოებით შეგვაჩერონ ერთი თვე, შეგვაჩერონ ორი, სამი თვე, შეგვაჩერონ იქამ-

დის, სანამ ჩვენ ხალხს არ დააუფლებენ. ეკონომიურად და სწორედ იმ დროს დაიწყებენ ჩვენს წინააღმდეგ შემოტევას. როდესაც ჩვენ სრულიად განმარტებული ვიქნებით, როდესაც ადერბეიჯანი დაკავებული იქნება და სომხეთთან მათ ერთგვარი ძაფი ექნებათ გაბმული.

რომ ეს ასე შეიქმნას, ჩვენმა მთავრობამ ერთგვარი ნაბიჯი უნდა გადასდგას, კატეგორიულად უნდა სთქვას-თუ დენიკინის ჯარი ფეხს წარსდგავს ამიერ-კავკასიაში, მას ექნება საქმე ჩვენ ქვეყანასთან. ჩვენ დემოკრატიასთან, ჩვენ მთავრობასთან. (ხმები: მართალია!). ეს მთავრობისთვის აუცილებელია. მე ვამბობ ამას, როგორც ერთ-ერთი ფრონტის წარმომადგენელი იმიტომ, რომ ვიცი თუ რა ძნელია ფრონტზე უმოქმედოთ ყოფნა.

აი ეხლაც გუშინ წინ პატარა შეტაკება დაიწყო მტრებმა. მთის არტილერიამ რამდენჯერმე ზარბაზანი გვესროლა. გუშინ დილით პატარა იერიში მოიტანა, მაგრამ ჩვენმა ჯარმა ის უკუ აქცია. ჩვენ მოგვიკვდა ერთი კაცი და ერთიც დაგვეჭრა. სწორედ ამ პრაქტიკით მას შეუძლიან, რომ ჩვენ მუდამ ისეთ მდგომარეობაში ჩავყავნოს, რომ მთელი ჩვენი ძალებით მიპყრობილი ვიყოთ ფრონტზე და ამას იქამდის აწარმოებს, ვინც ბოლოს და ბოლოს საზოგადოებას არ მოსწყინდება ფრონტისაკენ ყურება.

მე ვიცი, რომ ჩვენ ხალხს შეუძლიან ერთ წუთში აღფრთოვანდეს. მაგრამ მე ვიცი ისიც, რომ ეს აღფრთოვანება უცბათ გაქარწყლდება ხოლმე და მტერსაც ეს უნდა. დღეს თქვენ აღფრთოვანებულნი ხართ, ხვალ შესდგება ქალთა და სხვა და სხვა საზოგადოებები, ფულს შეაგროვებენ, ფრონტს მიხედავენ. მაგრამ ორი-სამი თვის შემდეგ ეს უკვე მოგწყინდებათ, ფრონტი მიგავიწყდებათ. აქ შეიქმნება მშვიდობიანი მდგომარეობა და სწორედ მაშინ ჩავვცემს ჩვენ მტერი ზურგში ლახვარს. და რომ ეს არ მოხდეს მე დარწმუნებული ვარ, რომ ჩვენი მთავრობა სრული ყურადღებით მოექცევა ამას და ისეთ მდგომარეობაში ჩააყენებს ჩვენ ხალხს, ჩვენს დემოკრატიას, რომ მტერი ქურდულად ჩვენ თავს ვერ დაგვეცემა. და რადგანაც მე მიხდება ისევე ფრონტზე გამგზავრება, იმედი მაქვს, რომ სწორედ ჩვენი ხალხის, თქვენი და მთავრობის სურვილს გადავცემ იმ ჯარს, იმ გვარდიას, რომელიც ფრონტზე სდგას, რომ ჩვენ მზად ვართ უკანასკნელ სისხლის წვეთამდე ვებრძოლოთ იმ საშინელ შავ-ბნელ რეაქციას, რომელიც განადგურებას უქადის მთელ ჩვენ დემოკრატიას და სამუდამოდ ყოველ მომავალს უსპობს ჩვენ განთავისუფლებულ ხალხს, რომ თვითული ჩვენგანი გრძობს იმ დიად ლოზუნგის იდეალებს, რომელიც არის ან სიკვდილი, ან გამარჯვება. და ის, როგორც ერთი კაცი თქვენთან ერთად, მთელი ხალხი, მთელი ქვეყანა ამ ბრძოლაში თუ გამარჯვებას ვერ ჰპოვებს, ის ჰპოვებს სახელოვან საფლავს. (ტაში).

19316


საქ. სსრ კ. მარქსის
სახ. სახ. რესპუბ.
ბიბლიოთეკა

თავის უფალ საქართველოს მთავრობა




ძღვნად თავისუფალ სამშობლოს (26 მაისის სახსოვრად)

მოქალაქეხო, სამშობლო აღსდგა მკედრეთით! მოგილოცავთ 26 მაისს!



საქართველოს დამფუძნებელი კრება, შეკრებილი 1919 წ. მარტის 12.



ნ. ფორდანია — პრეზიდენტი, რესპუბლიკის უმაღლესი წარმომადგენელი; მინისტრები: ნ. რამიშვილი — განათლების, ხაშველი — შინაგან საქმეთა;


საქართველოს მთავრობა

ნ. ხაბერიძე — მიწათმოქმედების, შრომის და გზათა; მ. ბაგრატიონი — იუსტიციის და გარეუ საქმეთა; კ. კანდელაკი — ეკონომიკური და ფინანსთა.

გამოცემა «თავისუფალი საქართველო»-სი.
(იოსებ იმედაშვილისა)

შანი ათი მანეთი.
თბილისი, 1919 წ.

მსოფლიო პირველობა სკანდინავიის თვალში



მოხდა ისე, რომ ჩვენს ცნობილი დიდოსტატი ზურაბ აზმაიფარაშვილი მსოფლიო ჰაიდრაის ეპიცენტრში აღმოჩნდა. იგი, როგორც ვარი კასპაროვის სეკუნდანტი, მონაწილეობს მსოფლიო ჩემპიონის შეკრებებში, და დიდად დაეხმარა მას წინა მატჩში ანატოლი კარპოვთან. მისი წვლილი ამ ორთაბრძოლის მოგებაში დიდი იყო, ეს ჩანს თუნდაც იმით, რომ მსოფლიო ჩემპიონმა ქართველ დიდოსტატს სთხოვა, მომავალ მატჩშიც გაუწიოს დახმარება. ამიტომ, მასზე უკეთეს მოსაუბრეს სად ვნახავდით.

— ახლა, როდესაც გამოვლინდნენ პრეტენდენტთა ფინალური მატჩის მონაწილეები, უპირველეს ყოვლისა, ის გვიინტერესებს, ამ ორთაბრძოლაში რამდენი პარტიაა დაგეგმილი?

— თუ გავითვალისწინებთ, რომ მსოფლიო პირველობაზე მატჩი (24 პარტიისაგან) ოქტომბერში უნდა დაიწყოს, პრეტენდენტები, ეტყობა, თებერვალ-მარტში შეხვედებიან ერთმანეთს. მათ 12 პარტია უნდა გაითამაშონ.

— რას ელით კარპოვ-ტიმანის ამ ორთაბრძოლაში?

— კარპოვს უდავო უპირატესობა ექნება. მან ძალიან კარგად იცის, როგორ უნდა ითამაშოს პოლანდიელი დიდოსტატის წინააღმდეგ. მასთან ადრეც ბევრჯერ უთამაშია და ანგარიშშიც დიდი განსხვავებაა. ტიმანი ძალზე არათანაბარი მოჭადრაკეა და ამდენად მსოფლიოს ექს-ჩემპიონს ღირსეულ წინააღმდეგობას ვერ გაუწევს. მართალია, აქ ისიც უნდა გავითვალისწინოთ, რომ დაწესებულია დიდი ჯილდო (მთელი ქონება!) იმ შემთხვევაში, თუკი პოლანდიელი გაიმარჯვებს. თუმცა ფულს რომ მსოფლიო პირველობაზე პრეტენდენტთა მატჩის მოგება შეეძლოს... მახსენდება ცნობილი ამერიკელი მწერლის უილიამ საროიანის სიტყვები: „კომერციის უფლება არა აქვს, მფარველობდეს ხელოვნებას“.

— მაშ ასე, თუკი დიდი ხენსაცია არ მოხდა, ოქტომბერში ისევ კასპაროვ-კარპოვის (უკვე მეხუთე!) მატჩის მოწმენი გავხვდებით. იქნება ეს მატჩი უკანასკნელი შეხვედრა მსოფლიო პირველობის დონეზე?

— თუ კასპაროვმა გაიმარჯვა ჩავთვალთ, რომ ეს მათი უკანასკნელი შეხვედრა იქნება ამ

დონეზე. სხვა საკითხია, თუკი კარპოვმა მოიგო, რაც თავისთავად გამორიცხული არ არის, მაშინ კასპაროვი ყველაფერს გააკეთებს, რომ დაკარგული წოდება დაიბრუნოს. აქ ისიც უნდა ვთქვათ, რომ დღეისათვის არა ჩანს მოჭადრაკე, რომელიც ღირსეულად ჩაერევა კასპაროვ-კარპოვის დავაში.

— კასპაროვი „მსოფლიო თასის“ უკანასკნელ, მეექვსე ასპარეზობაში თამაშობდა შვეციის ქალაქ შელფტეოში, როცა ფილეს პრეზიდენტმა ფლორენსიო კამპოშანესმა მასთან შეუთანხმებლად დანიშნა მსოფლიო ჩემპიონატის ჩატარების ადგილი — ლიონი.

— რახან ეს ასე მოხდა, ჩავთვალთ, რომ მატჩი, სადაც გნებავთ, იქ ჩატარდება ლიონის გარდა. მართალია, კასპაროვს ძალიან უყვარს საფრანგეთში თამაში, ძალიან კარგი ურთიერთობა აქვს ამ ქვეყნის საჭადრაკო ფედერაციასთან, მაგრამ იგი არასოდეს დაუშვებს, რომ ვინმემ თავისი პირობები მოახვიოს თავს.

— თუ ლიონი უკუგდებული იქნება, მაშინ არის კიდევ ერთი წინადადება — ახალი ზელანდიის დედაქალაქ ველინგტონიდან. რამდენად რეალურია ამ ქალაქის კანდიდატურა?

— ჩემი აზრით, საესვბით რეალურია.

— ვინ ეხმარება ამჟამად კარპოვს?

— პრეტენდენტთა მატჩებში ჯერ იოჰან ჰიასტარსონთან (ინლანდია), შემდეგ კი არტურ იუსუპოვის წინააღმდეგ მას ეხმარებოდა ორი სეკუნდანტი: მუდმივი მწვრთნელი დიდოსტატი იგორ ზაიცევი (მოსკოვი) და ოდესელი საერთაშორისო ოსტატი მიხეილ პოდგაეცი. ზაიცევი დებიუტების კარგი მცოდნეა და, გარდა ამისა, ჩინებულად არჩევს გადადებული პოზიციებს. რაც შეეხება პოდგაეცს, იგი საერთოდ ძალიან ორიგინალურად აზროვნებს და საინტერესო იდეები აქვს.

— თქვენ, ცხადია, უკეთ იცნობთ კასპაროვის შტაბს. თუ შეიძლება, ჩვენს მკითხველებსაც გააცანით.

— მთავარ ფიგურად ამ შტაბში იყო და რჩება ოსტატი ალექსანდრე ნიკიტინი. მან კასპაროვში ბავშვობიდანვე „გამოიციწო“ მსოფლიო ჩემპიონი და შეიძლება ითქვას, ფასდაუდებ-

ელი სამსახური გაუწია მას. კარგა ხანს კასპაროვს დიდად ეხმარებოდა ლვოველი დიდოსტატი იოსებ დორფმანი. რა თქმა უნდა, მისი თანამშრომლობა არც ახლა არის გამორიცხული. მაგრამ ისიც უნდა გავითვალისწინოთ, რომ დორფმანმა ხელშეკრულება დადო საფრანგეთის საჭადრაკო ფედერაციასთან და ახლა ნიჭიერ ოსტატს, ყოფილ მსოფლიო ჩემპიონს ჰაბუტებს შორის უკელ ლოტიეს ამცადინებს. ხანდახან კასპაროვის შეკრებებში მონაწილეობენ ხოლმე ცნობილი დიდოსტატები სერგეი დოლმატოვი (მოსკოვი) და მიხეილ გურევიჩი (მოსკოვის ოლქი). სხვადასხვა საინფორმაციო საშუალოს ასრულებენ ოსტატი ალექსანდრე შაქაროვი და ოსტატობის კანდიდატი სერგეი ცატურიანი (ორივე-ბაქოდან).

— ბევრი ექსპერტი ფიქრობს, რომ არ უნდა არსებობდეს ამოდენა შტაბები?

— ეტყობა, ეს ექსპერტები მართლაც არიან, მაგრამ ახლა შტაბები მხოლოდ კასპაროვსა და კარპოვს ჰყავთ.

— რას ელით მსოფლიო პირველობის 1990 წლის მატჩის შემდეგ?

— ბევრი ახლანდელი დიდოსტატი, ეტყობა, ხელს აიღებს მსოფლიო პირველობის პრეტენდენტობისათვის ბრძოლაზე, ვთქვათ ტიმანი, ლიუბოვიჩი, პიუბნერი. პრეტენდენტებას „წრე“ საგრძნობლად გაახალგაზრდავდება.

— ვინ დარჩება ამ წრეში?

— საბჭოთა მოჭადრაკეებიდან თუ დავიწყებთ, პირველ რიგში დავასახელებდი ვალერი სალოვს, ვასილ ივანჩუკს, ბორის გელფანდს, სალოვი პრეტენდენტთა ახლანდელი ციკლშიც მონაწილეობდა. მძაფრი ბრძოლის შემდეგ ტიმანთან დამარცხდა. ახალ ციკლში მას უკეთესი პერსპექტივები ექნება. ახლა ბევრს წერენ ივანჩუკის შესახებ, რომელიც კოფეციენტების ცხრილში მსოფლიოში მესამე-მეოთხე ადგილებს ინაწილებს შორტთან ერთად. მართლაც, ივანჩუკს წელს ტილბურგში უფერულ გამოსვლას თუ არ ჩაუთვლით, დიდი წარმატებები ჰქონდა და რამდენიც უნდა აღნიშნონ მისი გაუწონასწორებელი ხასიათი — ნერვიულობა, ტალანტს ვერაინ დაუკარგავს. თუ გელფანდის სატურნირო გამოსვ-

ლებს დაუვკირდებით, ვნახავთ რომ იგი ყოველთვის თანაბრად საიმედოდ, კარგად თამაშობს.

— უცხოელები? რა იმედი აქვთ?

— უცხოელებიდან ვფიქრობ, ორი ახალგაზრდა უნდა დაწინაურდეს. ფრანგმა უკელ ლოტიემ, რომელიც 18 წლისაა, შარშან დიდი ყურადღება მიიქცია. ჯერ იყო და ტიმოშოარაში მსოფლიო ჩემპიონატში მესამე ადგილი დაიკავა 16 წლამდე ჰაბუტთა შორის, შემდეგ სრულიად მოულოდნელად ადგილიდაში მსოფლიო ჩემპიონი გახდა 20 წლამდე ჰაბუტთა შორის. ასეთი რამ, დამეთანხმებით, ძალზე იშვიათად ხდება. წლეულს ჰაბუტთა ფრანგმა, რომელსაც როგორც უკვე აღვნიშნეთ, დორფმანი ეხმარება ორჯერ შეასრულა დიდოსტატის ნორმა და ამ წოდებას ფიდეს მორიგ კონგრესზე მიიღებს. ლოტიეს პარტიებს თუ გადავხედავთ, დავრწმუნდებით, რომ იგი ძალიან ნიჭიერია. ასევე ბევრს უნდა მოველოდეთ ინდოელი ანანდისაგან, რომელიც თავის ქვეყანაში, ასეთი საჭადრაკო ტრადიციები რომ აქვს, პირველი დიდოსტატი გახდა.

რა თქმა უნდა, ზოგიერთ უცხოელ დიდოსტატს ჯერ კიდევ არ უთქვამს თავისი სიტყვა. ნიჩეელ შორტი, ასეთი მაღალი რეიტინგი რომ აქვს, ახლა მხოლოდ 24 წლისაა და პრეტენდენტთა ბრძოლის შემდგომი ციკლისათვის კიდევ უფრო მომძლავრდება. ჯონათან სპილმენმა ამ ციკლშიც საკმაოდ გამოიჩინა თავი. მას მეტად საინტერესო სტილი აქვს. მეტოქეებს თავისი ორიგინალური იდეებით საგონებელში აგდებს. ჰადრაკშიც მეტს გააკეთებდა, ერთი გარემოება რომ არა — მეტად ცუდი მხედრობა (-18!) აქვს, ერთი სიტყვით, თითქმის ბრმაა. კონკრეტულად გვარებს ვერ დავასახელებ. მაგრამ უნდა ველოდოთ ნიჭიერი ახალგაზრდობის დაწინაურებას ისეთი ქვეყნებიდან, როგორცაა ინგლისი, პოლანდია და საფრანგეთი. აქ ჰადრაკს სულ უფრო მეტი ყურადღება ექცევა, რაც დაეტყო კიდევ ამ ქვეყნების ნაკრებთა წარმატებებს.

ერთი სიტყვით, ორიოდე წლის შემდეგ, და ეს ბუნებრივია, დღევანდელი დიდოსტატების „ზედაფენაში“, ან, როგორც მას სხვანაირად უწოდებენ, საჭადრაკო ელიტაში, თვალსაჩინო ცვლილებები უნდა მოხდეს. ახლანდელი კორიფეები, ცხადია, თავიანთ ადგილებს უბრძოლველად არ დათმობენ და, ასე ვთქვათ, კასპაროვის „გარშემო“ დიდი შენლა-შემოხლის მოწმენი გავხვდებით.

ესაუბრა გივი ხაზრაძე.



იბი ივანე აბაშიძე იუკოლა

და საბოლოო განაჩენს: ყველას თვალწინ დახვრიტეს ტყვე და მოსახლე ებრაელობა. ტყვეებიდან გადარჩეული ყოველი მეთაე მებრძოლი...

ვანო ბაღუაშვილის მოგონებებიდან:

... ერთ დღეს ხმა დაირბა — გერმანიაში გვიპირებენ გაგზავნასო. იმ დღეს დაცვა გადღიერებული იყო. მეორე დილას უთენია წამოგვყარეს ფეხზე, ჩავყარეს დახურულ მანქანებში და რკინიგზის სადგურში გაგვიყვანეს. იქ უკვე გამზადებული საბარგო მატარებლის ეშელონი იდგა — კონდახების ცემით შეგვყარეს ვაგონებში, გარედან კარები გადაგვიკეტეს და ჩამობნელდა ვაგონში. ვინც სად მოხვდა, იქვე ჩაჯდა. გვერდს ვერ შეიბრუნებდი, გულით რომ მოგენდომებინა — იმდენი ტყვე შემოყარეს ვაგონში...

არ ვიცი, რამდენ დღეს მივდიოდით: გზაში ნამცეცი პურიც კი არ მოუციათ და დღე-ღამის დასათვლელად ვის ეცალა! რომელიღაც უცხოურ ქალაქში გადმოგვყარეს ეშელონიდან... იქვე სადგურში „დაგვახარისხეს“, რატომღაც ქართველები გამოგვაცალკევეს. ერთი გამყიდველი რუსი — თარჯიმანი, ფაშისტურ ფორმაში რომ გამოწყებილიყო, მოგვიახლოვდა და „გვახარა“: — მოვიდა თქვენი ბედის აღსასრული, კავკასიელი ავაზაკებო, წადით ახლა და თქვენს სტალინს სთხოვეთ დახმარება. პიტლერმა ბრძანა — არც ერთი ქართველი არ ვნახო ცოცხალი და ახლა თქვენც ურჯულო ებრაელების ბედს ეზიარებით.

ერთ-ერთმა ქართველმა, რომლის წინაც იგი იდგა, სახეში შეაფურთხა. მოლაღატემ პისტოლეტი დააძრო და მწკრივში დაახალა ტყვია. სროლის ხმაზე ფაშისტები მოვარდნენ, თარჯიმანმა აუხსნა სიტუაცია. ორმა ჯარისკაცმა მკვდარი ქართველი ფეხებით დაითრია. ჩვენ კი ერთ-ერთ ვაგონში შეგვყარეს.

ყოფილი პარტიზანის გრიგოლ ფაილოძის მოგონებებიდან:

1944 წლის 7 მაისს ფაშისტებმა სამუშაოდ წავგიყვანეს კონდოვას რკინიგზის სადგურში. შუადღისას ჩვენმა წინამძღველმა ნება დამბრთო. სადგურის წინამოედანზე გავსულიყავი წყლის დასალევად. პირველ საცხოვრებელ სახლთან გავლისას

რომ იტყვიან. წისქვილის ქვა არ დატრიალებულა ვანო ბაღუაშვილის თავზე. თორემ სხვა ალბათ ყოველგვარი სიმუხთლი უნახავს ამ ცხოვრებისაგან...

თბილისში დაიბადა. 1919 წელს, რკინიგზელი მუშა-მეისრის ნიკოლოზ ბაღუაშვილის ოჯახში. ოთხი შვილი და დიასახლისი — მეუღლე მძიმე ტვირთად აწვა მარტოხელა მუშას... თანაც რა მძიმე პერიოდი იყო ის წლები. მაინც არ გაიტეხა გული მამამ — უფროსი შვილი თბილისის 29-ე შრომის სკოლაში შეიყვანა. მაგრამ გაჭირვებამ თავისი ქნა და მეხუთე კლასიდან გვერდში ამოიყენა — ჯერ მშენებლობაზე დააწყებინა მუშაობა. შემდეგ მძღოლს მიაბარა თანაშემწედ...

შრომაში გაკაფებული. წითელი არმიის რიგებში გაიწვიეს. 1941 წლის 23 ივნისს ახალციხეში ხვდება. ორი თვის შემდეგ კი მისი ნაწილი ხარკოვის მიმართულებით იგზავნება.

გასაოცარია! თითქოს მთელი ცხოვრება ფრონტის ხაზზე გაეტარებინოს. ისე უმაღლესეგვად დენთის სუნს...

საბრძოლო ეპიზოდები ისე ჰგავს ერთმანეთს, როგორც დღე — დღეს. დამეკი — ღამეს... ამიტომ მათი ჩამოთვლით თავი არ მოგაბეზრებთ. 1942 წლის დამლევის დნეპრის მისადგომებთან დაიჭრა... ნაომის ნამსხვრევმა კუნთი გამოგლიჯა ფეხიდან. კისერთან კი ავტომატის ტყვიამ გაუარა...

— ლეიტენანტო, კაცი არა ხარ, მესროლე და გამათავე! — ვედრებოდა უმცროს ლეიტენანტს. რომელიც მას ზურგით მიათრკვდა. — სამშვიდობოზე მაინც ვერ გამიყვან, ორივე ტყვედ ჩავვარდებით.

ძლივს დაამთავრა ამის თქმა და ლეიტენანტი გვერდზე გადავარდა. ზემოდან მძიმე ტომარასავით გადაეფარა უსიკოცლო სხეულით. ვედარ გაუძლო ტკივილებს. ლეიტენანტის სიმძიმეც სულს უხუთავდა და გრძნობა დაკარგა.

„როცა გონზე მოვედი. საბარგო მანქანაში ვიწვიე სხვა ტყვეებთან ერთად. თავზე ორი ავტომატომარჯვებული ფაშისტი მკველი გველა“. — იგონებს ვანო.

ახალი წელი ახლოვდებოდა. როგონს საკონცენტრაციო ბანაკი ისე იყო გავსებული, რომ თავად გერმანელებმაც კი არ იცოდნენ, როგორ განეტვირთათ. ყოველდღე ავსებდნენ საბარგო მანქანებს კომუნისტებით, ოფიცრებით, ებრაელებით და დასახვრეტად გაჰყავდათ ქალაქგარეთ...

ვანოს ფეხის ჭრილობა გაუმიზებდა. ყველაზე უფრო ის აწუხებდა, რომ ჭრილობაში მატლი გასჩენოდა და გამწარებული ფრჩხილებით ივლეჯდა, ლამის სისხლისგან დაცილიყო... ბედზე ერთმა ღვთისნიერმა ტყვემ შეამჩნია მისი გასაჭირი — ექიმი აღმოჩნდა, ეროვნებით ებრაელი. რომელიღაც ტყვეს რალაც დანისმაგვარი საგანი გაეკეთებინა და ამით უკვე თავდა ჭრილობებს თანამძიმეთ, უსუფთავებდა ჭიებისგან... მალე შეხორცება დაეწყო ფეხზე... კისრის განაჯაჭრი ხომ რა ხანია პირშეკრული იყო...

შიშშილი მაინც ყველაზე ძნელი მოსათმენი ყოფილა!

ერთ დღეს, არავინ იცის, ვინ მოიფიქრა, ან როგორ მოახერხა. ტყვეებზე დაცოფილი ბანაკის მცველი ძალი მიუხრჩვიათ... დაესივნენ, ვინც მოასწრო და უმაღლესეგვად — ტყავიც კი არ დაუტოვებიათ. ბეწვებით მაინც მიაგნეს კვალს ფაშისტებმა. სისხამ დილით გამოყარეს ბარაკებიდან ყველა ტყვე, დაამწყრივეს და ყოველი მეოცე დასახვრეტად გაიყვანეს. ამჯერად მეცხრამეტე აღმოჩნდა ვანო და პირველად შეშურდა სხვისი „სიკეთის“ — გაქცევის იმედი არ ჰქონდა. ფეხი ჯერ ამის საშუალებას არ აძლევდა, ასეთ ცხოვრებას კი სიკვდილს ამჯობინებდა!

კიდევ ერთხელ არ გასწირა ბედმა! ერთ დღეს ტყვეთა გულშემატკივარი ებრაელი ექიმი გასცა პროვოკატორმა. კვლავ დაამწყრივეს ტყვეები — როგორ გაბედეთ „იუდის“ დამალვაო და ყოველი მეთაე დასახვრეტად გამზადებულ ჯგუფში გადაიყვანეს... ამჯერად მეცხრე აღმოჩნდა ვანო ბაღუაშვილი! მერე ქალაქგარეთ გადაიყვანეს, სადაც რვა ათასი კაცი გაშიშვლებული ელო-

ვილაძემ ფანჯარაზე დააკაუნა და ქართულად მითხრა, ცოტა ხნით შემოდით. ოთახში სამნი იყვნენ. როგორც შემდეგ შევიტყვე, პარტიზანები ყოფილან: იტალიელი ბლანდინო ვიტორიო და ორიც ჩვენი თანამემამულე — გიორგი ნასარიძე და ამირან ვარდანაშვილი.

ნასარიძემ მითხრა, დაზვერვაზე ვართ ჩამოსული და თუ გინდათ, წამოდით ჩვენთან პარტიზანად, როდემდე უნდა იყოთ გერმანელი ფაშისტების მონობაშიო. სიხარულისგან აღარ ვიცოდი, რა მექნა... ბანაკში, ამხანაგებთან ერთად შევიმუშავეთ გაქცევის გეგმა და პარტიზანებსაც ვაცნობდით ჩვენი გადაწყვეტილება. ასე მოგზავდით მე-17 პარტიზანულ ბრიგადაში მე, გიორგი მათიაშვილი, ვანო ბაღდაშვილი (რიკრიკა), საშა კუპრაშვილი, სიმონ სიმონიშვილი, დარჩია, ნამიკეიშვილი და სხვები...

— პარტიზანების საბრძოლო ეპიზოდების შესახებ ხომ არაფერს მოგვითხრობთ? — ვეკითხები ბატონ ვანოს.

— აბა, რა მოგიყვით. ყველა ვაჟკაცურად იბრძოდა. თავს არავინ ზოგადი ვაჟკაცისა და მამაცი პარტიზანის სახელიც იმიტომ დაიგდო იტალიის მთებში თითოეულმა ქართველმა!

იძულებული ვარ, ისევ უამრავ გაზეთის ამონაგვერსა და ბორის შურლიას წიგნს „ქართველები იტალიის მთებში“ მივმართო, სადაც სხვა პარტიზანთა საგმირო საქმეთა შორის არც ვანო-რიკრიკა ბაღდაშვილის ღვაწლია დაიწყებულ.

ეს ამონაგვერი 1973 წლის „სოფლის ცხოვრებიდანაა“: „ყველა მიმართულებიდან მიიწვედნენ პარტიზანები. მათ წინსვლას მხარს უჭერდა ვანო ბაღდაშვილისა და ლეო მარგივეის ტყვიამფრქვევების ცეცხლი. მეტყვიამფრქვევებმა ბრძანება მიიღეს: შეექმნათ ცეცხლის საფარი, თვალყური ელევნებინათ მათთვის და, თუ შეამჩნევდნენ პარტიზანების დამარცხებას, მათი ტყვედ ჩავარდნის საშიშროებას, მაშინ ცეცხლი ალყაში მოქცეული ამხანაგებისკენაც უნდა მიემართათ, რომ ცოცხლად ხელთ არ ეგდოთ ფაშისტებს.

იტალიელმა პარტიზანებმა, როგორც კი გაიგეს შოთა ნამიკეიშვილის დაღუპვა, თავგანწირვით ეკვეთნენ მტერს მარჯვენა ფლანგიდან. ბრუნო პირველი გადაეშვა ბრძოლაში, მას მიჰყვა მთელი ჯგუფი. ასე

იძიეს იტალიელებმა შური ფაშისტებზე ქართველი პარტიზანის დაღუპვისათვის“, — იგონებს ყოფილი პარტიზანი ვარლამ რევიკა.

კვლავ ბ. შურლიას თვრამეტი წლის წინათ გამოცემულ, მცირეფორმატიან მოგონებების წიგნს ვფურცლავთ:

„ამოცანა ასეთი იყო: უნდა აგვეფეთქებინა დაბა ავილიანოში რკინიგზის პირას მდებარე დინამიტის ქარხანა და დაბა სანტანტონინოს ხიდი... რაზმი ორად გაიყო. ერთ ნაწილს ქარხნის აფეთქება დაევალა, ხოლო მეორეს — ხიდისა. ღამის თორმეტ საათზე სოფელ რუბიანას მივადექით. იქ ავტომანქანა დაგვხვდა. ჩვენი ჯგუფი... სულ ათი-თხუთმეტი კაცისაგან შედგებოდა. აქ იყვნენ თვით რაზმის მეთაური ალესიო მაფიოდა, ნოე კუბლაშვილი, ვასილ ურუშაძე, გრიგოლ ჩხაიძე, ივანე (რიკრიკა) ბაღდაშვილი და სხვები (ბ. შურლია თავის წიგნში. ყველგან, სადაც იგი ვ. ბაღდაშვილს ასხენებს, შეცდომით ბაღდაშვილად წერს)... გუშაგებს ისე მოულოდნელად წაადგნენ თავს, მათ დაყვირებაც ვერ მოასწრეს... სასწრაფოდ შევცვივდით ქარხანაში და... რამდენიმე წუთის შემდეგ მთელი მიდამო აფეთქების საშინელმა გამაყრუებელმა ხმამ მოიცვა...“

„ივნისის შუა რიცხვებში ჩვენმა მზვერავმა ქალმა მარია ლაზარეტომ შეგვატყობინა, ტორინოსა და ავილიანოს შორის მდებარე დაბა რივოლი ცამეტე გერმანელი ოფიცერი და ჯარისკაცების ჯგუფი იმყოფებოდა... გადაწყვიტეთ მათზე თავდასხმა. იმავე საღამოს დაახლოებით 80-90 კაცამდე შეგვროვდით, თითოეული ჯგუფიდან ხუთ-ხუთი ვიყავით. იარაღიც საკმარისი გვქონდა: 50-მილიმეტრიანი ნაღმსატყორცი, ტყვიამფრქვევები, ავტომატები და ხელყუმბარები. ღამის 12 საათზე სოფელ რუბიანაში შევიკრიბეთ. აქედან ავტომანქანებით გავემგზავრეთ. რივოლს რომ მივუახლოვდით, მანქანებიდან გადმოვედით და ფეხით განვაგრძეთ გზა. გერმანელთა დასაზვერად ორი კაცი გავგზავნეთ, ერთი იტალიელი და ერთი ქართველი, ვანო ბაღდაშვილი, რომელსაც მეტსახელად რიკრიკას ვეძახდით. თურმე ისინი ისე ახლოს მივიდნენ შენობასთან, სადაც გერმანელები იყვნენ, რომ უეცრად ღამის სიბნელეში პირისპირ წაადგნენ ფაშისტ გუშაგს. ამ მოულოდნელი შეხვედრით შეცბუნებულეებმა ერთმანეთს ხელი სტაცეს. შემდეგ გუშაგმა ყვირილი მორთო და თავქუდმოგლეჯილი გაიქცა. ყვირილზე გერმანელებმა განგაში ატეხეს და ყველანი ფეხზე დადგნენ, მაგრამ ბაღდაშვილმა გუშაგს ხმა სამუდამოდ ჩააწყვეტინა... სისწრაფე და ელვისებური მოქმედება იყო საჭირო... ყორზე სასწრაფოდ გადავეშვიტეთ და ხეების საფარში დავიჭირეთ პოზიციები... როგორც შემდეგ გამოირკვა, შენობაში მტრის მცირე ჯგუფი კი არა, მთელი ბატალიონი ყოფილა დაბანაკებული... ნამდვილად რაღაც სასწაული იყო — არც ერთ ჩვენთაგანს ტყვია არ გაჰკარებია“.

ვანო ბაღდაშვილის მოგონებებიდან:

— ომი დასასრულს უახლოვდებოდა. პარტიზანებში ხმა გავრცელდა: საფრანგეთ-საბჭოთა კავშირის სამხედრო მისია ჩამოსულა და ყველა საბჭოთა მოქალაქეს იწვევს მათი რეპატრიაციის მიზნით. სამშობლოში დაბრუნების სიხარულმა მოგვიცვა, მაგრამ ჩვენი იტალიელი თანამებრძოლების მტერთან მარტო დატოვებაც არ შეგვეძლო. მალე ჩვენს მისადგომებზე

ფაშისტის ნასახიცი აღარ გამოჩენილა და თავად იტალიელებმა გვირჩიეს საფრანგეთისკენ გამგზავრება, თანაც ფრანგულენოვანი მცოდნე მეგზური გავაყვოდნენ. ასე გადავლახეთ სამოცდაცამეტე პარტიზანული ალპები და ფრანგულ სასაზღვრო დაბალევეროლში ჩავედით. ფრანგები მეგობრულად შეგვხვდნენ, ამერიკელმა ოფიცრებმა კი თავიანთ ნაწილებში ჩაირიცხვა შემოგვთავაზეს. ჩვენ მტკიცე უარი განაცხადეთ და ვთხოვეთ, ჩვენს სამხედრო მისიასთან დავეკავშირებინეთ. ბოლოს შევთანხმდით: ჩვენ მათ პისტოლეტის გარდა ყველა სხვა სახის იარაღს ჩავაბარებდით, სამაგიეროდ ისინი ჩვენ ქალაქ გრენობლში გავვიშვებდნენ, სადაც ჩვენი სამხედრო მისია იმყოფებოდა...

ასე დაბრუნდით სამშობლოში, სადაც ფაშისტურ გერმანიაზე გამარჯვების სიხარულს საკუთარი ოჯახის წევრებთან შეხვედრის განუყოფელი სიხარული ემატებოდა... მათ ხომ ჩვენ დიდი ხნის გამოტრეხული ვყავდით!

გერმანელ ფაშისტებთან გამოჩენილი სიმამაცისათვის საბჭოთა არმიის უმაღლესმა მთავარსარდლობამ ვანო ბაღდაშვილი სამამულო ომის მეორე ხარისხის ორდენითა და მრავალი მედლით დააჯილდოვა. არც იტალიის გამათავისუფლებელი არმიის მთავარსარდლობას დავიწყებია იტალიის მთებში მებრძოლი ქართველი პარტიზანი, ცქვიტი, მამაცი და მოხერხებული „რიკრიკა“: ჯუზეპე გარიბალდის ვარსკვლავითა და მედლებით („25 აპრილი 1945 წ.“ და „1882-1982 წწ. ჯ. გარიბალდი“) დააჯილდოვეს.

სამშობლოში დაბრუნებული ერთხანს სოჭში მუშაობს, შემდეგ მშობლიურ თბილისის უბრუნდება და პენსიაში გასვლამდე მე-5 ავტო-სატვირთო მანქანების სამმართველოს მძღოლია. 1969 წლიდან კომუნისტური შრომის დამკვერულია. დაჯილდოებულია რვა საპატიო სიგელით, სამჯერ — ხუთწლედის სოცშეჩინბრში გამარჯვების სამკერდე მეშნით. მიღებული აქვს შრომის ვეტერანის მედალი, ვ. ი. ლენინის დაბადების 100 წლისთავთან დაკავშირებული საიუბილეო მედალი...

სადღესასწაულოდ დღე ისე არ გავა, რამდენიმე წერილი და მოლოცვის ბარათი რომ არ მოვიდეს იტალიიდან.

არც ამით თავდება ვანო ბაღდაშვილის ურთიერთობა ყოფილი იტალიელ პარტიზანებთან: წელი არ გავა, იტალიელები რომ თბილისში არ ჩამოვიდნენ; გულით შეიყვარეს ქართველ თანამებრძოლთა მშვენიერი სამშობლო. ჰოდა, ამ დროს თავს იყრიან დედაქალაქში იტალიის მთებში მებრძოლი პარტიზანები, შეხვედრებს უწყობენ მეგობრებს აპენინის ნახევარკუნძულისაგან. ათვალეობენ ჩვენს საქართველოს, იგონებენ დაღუპულ მეგობრებს... განშორების წინ კი პარტიზანულ კოცონს აგიზგიზებენ ლისის ტბის პარტიზანთა ხეივანში...

ჯამალ მხედლიშვილი

სურათები:

1. პატარძელთან. ომში დაკარგულთა ხსოვნის სამრეკლოდან: ყოფილი იტალიელი პარტიზანები (მარცხნიდან): შ. ტივაძე, ვინკო ჯუგლარი, რენცო, ვ. ბაღდაშვილი, უცნობი იტალიელი პარტიზანი.
2. ყოფილი იტალიელი პარტიზანების გულდა მასპინძელია ჩვენი სასიქადულო მოღვაწეების მელეა ჩაფარძისა და რევას თაბუკაშვილის ოჯახი.



პანორამა

ოპროს მატარებელი კამეჩი

1977 წელს სოფელ კაიხალის მკვიდრმა გლეხმა (ინდოეთი) ბაზრიდან კამეჩი მოიყვანა. ვინაიდან კამეჩი ინდოეთში მეტად პატივსაცემი ცხოველია, საჭეიშო წუთების აღსანიშნავად დიასახლისმა სუფთა ხორბალთან ერთად, თავისი უველაზე ძვირფასად განდი — ოქროს მონეტების ზარდახშა მიართვა. პირუტყვმა ძვირფასი ზარდახშა საოცარი სიმშვიდით გადაუღალა.

რასაკვირველია, აჭრი ქირურგიულ ჩარევებზე თავშიც არავის მოხვლია. თერთმეტ წელიწადს ემსახურებოდა ოჯახს ოქროს მატარებელი ცხოველი და იგი ამ სოფლის ღირსშესანიშნოებს წარმოადგენდა.


როდესაც ცხოველმა სული განუტევა, მისმა პატრონმა მთელი სოფლის თანდასწრებით განხსნა საგანძური. ოქროს მონეტები, რომლის ფასიც თვრამეტ ათას რუბლს შეადგენდა, ორმოც ათასამდე გაიზარდა.

38 მილიონი დოლარი სურათში

ლონდონში აუქციონზე გაიყიდა და ევროპიდან იტალიაში გადაინაცვლა პაბლო პიკასოს ვარდისფერი პერიოდის "შედევრმა — „ჯამბაზი და ახალგაზრდა არლეკინი“. სურათი მანამდე კერძო კოლექციაში ინახებოდა. მე-20 საუკუნის უდიდესი მხატვრის ნაწარმოებები უცნობმა იაპონელმა 38 მილიონ დოლარად შეიძინა.

აღსანიშნავია, რომ უკანასკნელი ასწლეულის განმავლობაში არც ერთი მხატვრული ნაწარმოები ასე ძვირად არ გაყიდულა.

მხატვარი თენგიზ სამსონაძე



ახირებულ კოლექციონერი

ქალაქ ხანის (აშშ) მკვიდრის შელბი ბუშის პოსტ წარმოადგენს უველასათვის უსარგებლო ავტომობილის საბურავების კოლექცია. ამ გატაცებას მან თავისი სიცოცხლის ზუსტად თვრამეტი წელი მოაწოდო. მუზეუმში ღია ცის ქვეშ, რომელსაც „საბურავების დედამიწა“ ეწოდება, ასი ათას ექსპონატზე მეთია, სამწუხაროდ, შელბის

თანამემამულეები მის ენთუზიაზმს არ იზიარებენ — რეზინის მთა, რომელიც აღმართა კოლექციონერმა, სრულიადაც არ ამშვენებს აქაურ ლანდშაფტს.

ამჟამად, ხელისუფლება ცდილობს, კანონის საფუძველზე ქალაქს პირვანდელი სახე დაუბრუნოს. ამის განხორციელება არც თუ ისე იოლია, რა, რეზინის მთა კერძო საკუთრებას წარმოადგენს.



პანორამა

— ძალდი დამეკარგა.
— შერედა, რატომ არ აცხადებ გაზეთში?

— სულელო, ეს რას მიშეღის. ჩემმა ძალდმა ხომ კითხვა არ იცის.

— თქვენ ბევრს უკრავთ და მღერით? — ჰკითხა ახალგაზრდა კაცმა ერთ მომხიბვლელ მომღერალ ქალს.
— მხოლოდ დროის მოსაკლავად. — უპასუხა ქალმა.

მუსიკის მოსაპარული
— ჯონ, მუსიკა გიყვარს?
— ოჰ, დიახ. რაღა თქმა უნდა!
— და უველაზე უსურო მაინც რა ჟანრის მუსიკა მოგწონს?
— როცა მებუჟე ჩაბერავს და სი-

გნალს მოგვცემს, სადილის დრო მოვიდო.

გამოუსწორებელი ღოთი დაიყოლიეს, ხელი მოეკიდა ზანისათვის, რათა თავი ხელში აეყვანა და სმა მიეტოვებინა.

10 თვის ვარჯიშის შემდეგ ის ამ საქმეში საკმაოდ დახელოვდა.

— გამოადგა იოგა შენს ქმარს? — ერთხელაც შეეკითხნენ ღოთის მეუღლეს.

— მხოლოდ ერთ რამეში: ახლა მას შეუძლია, ყირაზე მდგარმა დალიოს, — უპასუხა ქალმა.

აეროპორტში საბილეთო ნაღაროს ორი აგენტი მგზავრებს ბილეთებს

უმოწმებდა. ერთ გენერალს ბილეთი არ აღმოაჩნდა.

— იცით თუ არა, მე ვინა ვარ? — იყვირა მან.

ერთი აგენტი მეორეს მიუბრუნდა და უთხრა:

— ამ ჩენტლმენს ჩვენი დახმარება ესაჭიროება — მან არ იცის, თუ ვინ არის.

— ოფიციატო, ეს ვაშლის ღვეწელია თუ ატმისა? მას წებოს გემო დაჰკრავს.

— ო, სერ, ეს ატმის ღვეწელია ვაშლის ღვეწელს მუყაოს გემო აქვს.

— მე შევქმენი კომპიუტერი, რომელიც თითქმის ადამიანია.

— ეს როგორ?
— როცა შეცდომას უშვებს, მერე კომპიუტერს აბრალებს.

ერთმა ფაშფაშა ლედიმ რესტორანში სადილობა დაამთავრა და დესერტი მოითხოვა:

— მომიტანეთ, გეთაყვა, გაფცქვნილი ბანანი, ნაყინი, ცხელი შოკოლადი და ათქვეფილი ნაღები.

— კეთილი, მადამ, — უთხრა მომტანმა, — დამატებით ალუბლის წვენსაც ხომ არ ინებებდით?

— ღმერთო ჩემო, რაღა თქმა უნდა. არა. დიეტაზე გახლავართ.

საკრტული სანახაობის გამომტოვების საშუალება

ახალგაზრდა მასწავლებელს, რომელიც ელექტრონიკას ასწავლიდა ანგილობრივი საშუალო სკოლაში, ხანდახან მცირეოდენი ფულიც რჩებოდა ტელევიზორის შეკეთებით.




1629 წელს კარდინალმა რაშელიმ არქიტექტორ უაკ ლუი მერსიეს დაავალა ლუერის შენობის გვერდით სასახლის აგება იმ პირობით, რომ შენობა იქნებოდა სადა.

1642 წელს ახლად აგებულ შენობაში გარდაიცვალა რიშელი. მისი ანდერძის თანახმად სასახლე დიდი ბაღით გადაეცა ლუდოვიკო მეცამეტეს. სასახლე გახდა სამეფო და მიიღო პალე-რუალეს სახელწოდება. ლუდოვიკო მეცამეტეს გარდაცვალების შემდეგ სასახლეში თავისი არასრულწლოვანი შვილით — ლუდოვიკო მეოთხემეტით დაემკვიდრა ანა ავსტრიელი.

როგორც აღექვანდრე დიუმა — მამა გადმოგვცემს, დარტანიანის მრავალი თავგადასავალი, რომელიც ინტრიგებთან იყო დაკავშირებული, სწორედ პალე-რუალეს სადა ფსადის მიღმა ხდებოდა. ამიტომ 1789 წლის რევოლუციამდე პალე-რუალეს სახელი შეეღობა. რევოლუციის წლებში კი იგი გახდა მიტინგების ძირითადი ადგილსამუფელი.

მოგვიანებით, მხოლოდ ნაპოლეონმა შემოიღო სასახლეში სახტიკი წესრიგის დამყარება და სახელმწიფო საბუღოს განმტკიცება.

პალე-რუალე ამჟამად საფრანგეთის უმთავრეს ადმინისტრაციულ ცენტრს წარმოადგენს.



ამერიკის მოსახლეობის წახრადო. ებრივი ბიუროს ცნობით, პლანეტაზე ამჟამად 484 მილიონი მუსულმანო ცხოვრობს. ისლამი, რომელიც უველა ქვეყნის მოსახლეობაშია, დედამიწაზე უველაზე ფართოდ გავრცელებული სარწმუნოებაა. მოსახლეობის ბიუროს ცნობით 2029 წელს მუსულმანთა რიცხვი 1.9 მილიარდს მიაღწევს. ამ რელიგიის მიმდევართა დიდი ნაწილი თავმოყრილია ახლო აღმოსავლეთის ჩრდილო აფრიკისა და დასავლეთ აზიის 22 ქვეყანაში.

ერთ საღამოს, როცა მისტერ ბრაუნს ტელეფონი გაუფუჭდა, მასწავლებელს ეწვია და შინ მიიყვანა. ორი საათის მუშაობის შემდეგ მისტერ ბრაუნმა იგი ყავასა და ნამცხვარზე დააპტიო. სანამ შეეჭკოდნენ, მასპინძელმა ჰკითხა მასწავლებელს, რამდენი უნდა გადაეხადა მისთვის.

— თქვენ ჩემთან მოხვედით და წამომიყვანეთ, დამპატიუთ ყავასა და ნამცხვარზე. ასე რომ, სამუშაოში არაფერს გახდევინებთ. ოღონდ ორი დოლარი უნდა გადამიხადოთ სპორტული საწარმოების გამოტოვებისათვის, — უპასუხა მასწავლებელმა.

როცა პაციენტის გასინჯვას მორჩა, ექიმმა გადაწყვიტა. მისთვის სიმართლე ეთქვა.

— მდგომარეობა მეტად რთული

და სერიოზულია. თქვენ მიიმე ავადმყოფი ხართ და ვერაფრით დაგაიმედებთ. ვის ნახვას ისურვებდით უკანასკნელად?

— სხვა ექიმისა, — ამოიკვნესა ავადმყოფმა.

ბურისტი: ირგვლივ რა გონებაჩლუნგი ბუზები დაფრინავენ, არა?

სასტუმროს ადმინისტრატორი: გონებაჩლუნგი? აბა, დღეში ორ დოლარათ რისი მოლოდინი გქონდათ, განათლებულები?

ექიმმა გასინჯა პაციენტი და უთხრა: — ვერ ვიპოვე თქვენი ავადმყოფობის მიზეზი. ვფიქრობ, ეს უველაფერი სმისაგანაა გამოწვეული.

— მაშინ, როდესაც გამოფხიზლებდით, მერე მოგაკითხავთ, — უპასუხა პაციენტმა.

დიკი: ო, ჩარლი, რა თბილად გაცვიათ!

ჩარლი: ხო, ცივი ამინდისათვის თადარიგი დავიჭირე, ოღონდ ერთი რამ მარტუხებს.

დიკი: რა?

ჩარლი: ველარ ვინძრევი.

ამერიკული კოლეჯის მეორეკურსელი ახალგაზრდა ფრანგი სტუდენტი მეგობრებმა კონცერტზე მიიწვიეს, სადაც მის პატივსაცემად ფრანგულ სიმღერებს ასრულებდნენ.

— უური მიგდე, მეგობარო, — ხედავ, ამ ფრანგულმა სიმღერებმა სამშობლო მოგაგონა და დაგანადვლიანა, — უთხრა ფრანგს ერთმა ამხანაგმა.

— არა, ჩემო კარგო, — უპასუხა

მან, — მხოლოდ ეგ არის, ცუდად გავხლი.

მსწავლელმა: გონ. ვთქვათ, შენ ძმას ხუთი ვაშლი აქვს. შენ ამოიღე ორი. რა შედეგი იქნება?


ჯონი: უსაუფოდ მცემს, პატივცემული!

უსიქიატრი პაციენტს ეუბნება:

— გესმით როდესმე ხმები იმკვარად, რომ არ იცით, ვინ ლაპარაკობს?

— დიახ, სერ.
— როდის ხდება ეს?
— როდესაც ტელეფონზე ვლაპარაკობ, სერ.

ინგლისურიდან თარგმნა ნინო ლორთქიფანიძემ.



პირბრუნვა: 1. ბოსნიელი კულტურა; 2. სამხედრო წოდება; 3. ნახევარკუნძული აზიის სამხრეთ-აღმოსავლეთში; 4. მიბაძვა, მიმსგავსება; 5. საშუალო სიმაღლის მთები აზერბაიჯანის სსრ-სა და ირანის საზღვარზე; 6. დაწყება, გაშვება; 7. ვაზის ამერიკული ჯიშის; 11. ტერიტორია აფრიკის სამხრეთ-დასავლეთ ნაწილში; 12. სახელმწიფოს შეიარაღებულ ძალთა ერთობლიობა; 13. ჩვეულება, წესი; 14. მდინარე საქართველოში; 15. საფრენი აპარატი; 16. სახელმწიფოს მთელი ტერიტორიის ან მისი ნაწილის ძალდატანებითი შეერთება (მიტაცება); 17. ერთწლოვანი ბოლქვიანი მცენარე შროშანისებრთა ოჯახისა; 21. საბერძნეთის დედაქალაქი; 22. მე-19 საუკუნის რუსი ფერმწერი; 25. მონათბობი ვინმეს ან რაიმეს შესახებ; 26. ბუმბულის ერთ-ერთი სახეობა; 28. მდინარე სამხრეთ ამერიკის ცენტრალურ ნაწილში; 30. ძველი ბერძენი დრამატურგი; 33. მხარე, რკინიგზის სადგური და ქვაბული დასავლეთ საქართველოში (დაახლოებით ემთხვევა ტუბულის წონას); 34. ოცნება, წმენდა.

თარგუმება: 1. ბურჟუაზიულ სახელმწიფოში ადგილობრივი მმართველობის ან თვითმმართველობის არჩევითი ორგანო; 8. მუსიკალური კილო; 10. თევზი ვირთვუზასებრთა ოჯახისა; 11. ორგანული მასის დაწვის შედეგად მიღებული ნარჩენი; 12. შორწყვა, შესხურება; 14. არსება, რომელსაც აქვს ცნობიერება, დანაწევრებული მეტყველება და — ქმნის კულტურას; 15. დაბათობის წყაროს რაიონში; 17. ფრინველი ბელურასნარითა რიგისა; 23. კინომახიობი, სსრკ სახალხო არტისტი; 24. ქალაქი უაზახეთის სსრ ყარაღანდის ოლქში; 27. მე-19 საუკუნის ფრანგი მწერალი; 29. ქურთების ნაწილი, რომელიც აღიარებს განსაკუთრებულ რელიგიას; 31. ავტომობილის მარკა; 32. ლიტერატურული ფანრი; 33. თოფი, თოხი, ბარი, დანა — კრებითი სახელი; 36. ქალაქი უკრაინის სსრ-ს სამხრეთ-აღმოსავლეთში.

შეადგინა ციური ბალაშვილმა

„დროშა“ № 1-ში გამოქვეყნებული კროსვორდის პასუხები:

თარგუმება: 2. ბათა. 4. ალტინგი. 7. გინეა. 8. ფონდი. 11. კობალტი. 13. „იოლანტა“. 14. ამპლიტუდა. 15. სადაფი. 17. სტადია. 21. რაციონი. 24. ტორტი. 25. ლახტი. 26. ალდგომა. 28. ეტიუდი. 29. ჩინარი. 30. იდენტიფიკაცია.


შპშულება: 1. თაფლი. 2. „ბალავერი“. 3. ანგელოზი. 5. ბიბლია. 6. იდილია. 9. იბერია. 10. ანანდი. 12. სტიმული. 16. ფარაჯა. 18. „ტოიოტა“. 19. სონეტი. 20. შტრაუსი. 22. კალანდა. 23. სტვირი. 27. გოლფი.



„ძლიერია ერი, რაც უნდა პატარა იყოს, როცა მამულიშვილობა, თავის ქვეყნის სიყვარული ასე ამხნევეს, ასე ამოქმედებს, როცა უბედურება რამ, განსაცდელი რამ, გულზე ხელს კი არ აკრებინებს, როგორც იმედგადაწყვეტილს, სასოებადაკარგულს; არამედ იმოდენად ძლიერ აღვიძებს, ძლიერ მისძრავს-მოსძრავს, რამდენადაც ძლიერია თვით მის თავზე მოსული უბედურება და განსაცდელი“.

ილია

ფოტო გოგი ცაგარელისა



გარეკანის პირველ გვერდზე: დავით აღმაშენებელი. მოქანდაკე ელგუჯა ამაშუკელი.
გარეკანის მეოთხე გვერდზე: „დაისი“ ქვათახევი.

გადაეცა წარმოებას 28.12.89. ხელმოწერილია დასაბეჭდად 1.02.90. უფ. 07828. ქალაქის წომეა 70x103^{1/2}. გარეკანი, ჩანართი და ტექსტი იბეჭდება ოფსეტური წესით. ფიზიკური ფურცელი № 3, პირბრუნვის ნახევრი ფურცელი 4,2, სააღრიცხვო-საგამომცემლო თანხა 5,69. ტირაჟი 54.500. შეკვეთა 2861. ფასი 85 კაპ.

380096, თბილისი, ლენინის ქ. № 14, საქართველოს კპ ცკ-ის გამომცემლობის სტამბა.
Ежемесячный общественно-политический и литературно-художественный журнал «Дроша» («Знамя»), (на грузинском языке). 380096, Тбилиси, ул. Ленина, 14. Типография издательства ЦК КП Грузии.
Адрес редакции: 380008, Тбилиси, 8, пр. Руставели, 42.

380008, თბილისი 8, რუსთაველის პრ. 42. ტელეფონები: მთავარი რედაქტორის — 99-54-66, პ/მგ. მდივნის — 99-82-69, განყოფილებათა გამგეების — 98-28-42, 99-01-89, რედაქციის სამდივნოსი — 99-54-66.

რედაქციის შემოსული მასალა ავტორს არ უბრუნდება.



6 125/28

